


﴿در یکتا﴾

(مکاتب رشديه اوقو ندرلق اوزره)
(انتخاب ايدلمشدر)



معارف نظارت جليله سنك ۲۷۶ نومروى
فى ۱۵ حيزران سنه ۳۰۹ تاريخلو رخصتنامه
سيله طبع اولمشدر

﴿ نكرت صحافيه مطبعسنده طبع اولمشدر ﴾



بِسْمِ اللَّهِ الرَّحْمَنِ الرَّحِيمِ

الحمد لله الذي جعلنا من المسلمين * والصلاة والسلام
على سيدنا محمد خاتم الانبياء والمرسلين * وعلى آله
واصحابه اجمعين * معلوم اوله كه عاقل و بالغ اولوب
مسلم اولادندن اولان كيمسه كلمتين شهادتيني تلفظ ايدر
اولدقده ايمان اولنمق لازم اولان اموري بيلوب
واينامدقجه يكيكن ايمان ونكاح لازم اولديغي كتب
معتبرده تصريح اولنديغندن عوام ناسه افاده
اولدجق مرتبه ابتدا صفت ايماني تعليم الزم اولوب
بعده اصول اسلاميه دن اولان عبادات خسه مفروضه
بايمانك كماله مدار وقوامنه شعار ايكن اكثر ناس احكامني
تحصيله عدم همتلرندن بالكليه نسيان اولنمه منزله سنه
تقرب ابتدايكي ظاهر ونمايان اولديغندن عوام ناس

حقیقه تعلیم و تعلی آسان اولسچون ققهای عظام
حنفیہ نک اصح اقوالندن قدر کفایہ لسان ترکی
اوزره برساله تدوین و عقاید ضرورات دینیہ ایله
تصدیر و تزیین و مسائل صلات و زکات و صیام و حجه
الاسلام و جهاد اشمالیله تکمیل اصول دین اولنق
اهم امور معظمه اولغله بحمدالله تعالی بذل مقدور
وسعی نامحصور ایله تنظیم و ترتیب میسر اولغین
(دریکتا) نامیله تلقیب اولندی همان جناب
ملک المناندن مسؤل و متضرعدرکه فضل و کرمیله
وسیله نفع موفور بیوروب بو عبد یمقدارک سعینی
مشکور ایلیه .

ایمدی معلوم اوله که اولاهرعاقل و بالغ اولانه قلبیله
القی شیئه اینانوب لسانیه دخی (آمنت بالله و ملائکته)
آخرینه قدر معناسی بیله رک او قومق فرض عیندر
و ایمان شرعهده بودر .

﴿ مطلب ایمان ﴾

(آمنت بالله) بن الله تعالی تک الوهیتنه یعنی وجودی
کندندن اولوب کندیسنه برشی وجودده سبقت
ایتمدیکنه و خواص الوهیتنه یعنی عالمی تدبیرینه
وجع اشیا بی خالق اولدیغنه و عبادته استحقاقنه
و کندیله قائم اولان صفات علیه سی صکره دن اولدیغنه

وذكر اولئسان الوهيت وخواص الوهينه شريكي
وفطيري اولديغنه وعلوقادن يرشيته هيچ بر وجهله
بكره مديكنه ايناندم .

(وملائكتنه) دخي بن الله تعالى نك ملكك نك شرف
عبو ديتلرينه وجناب الهيله رسل كرامى ياننده وحى
شريعت وانزال ~~كتب~~ خدمت سفيه سيله صدق
وامانت اوزره توسط انلرك شانندن اولديغنه ايناندم
ايمدى ملائكة كرامه بو وجهله ايمان اولنقى لازم اولديغنى
ابو السعود افندى تفسيرنده نبيه انجشدر

ودخي ملائكة كرام جمهور مسليك اعتقادلرى اوزره
اجسام لطيفه نورانيه درلر كه درلو درلو صورتلر ده
ظاهر اولورلر وانلرده ارككلك وديشيك اولديغى كچي
الس وجنك سائر حاللى دخي اولماز عدولرى انجق
الله تعالى بلور

(وكتبه) دخي الله تعالى نك ~~كتا~~ بليك دين حق
بيان ايچون جبريل امين ايله ييغبران عظامه
كوندر لديكنه وصره كلان كتاب وشريعت اول
كلان كتاب وشريعتك حكيمى وزمانى تمام اولديغنى
بيان اينديكنه ايناندم نه كيم قرآن عظيم سائر
كتابلردن صكره ييغبريمز محمد عليه السلامه نازل
اولغله سائر كتابلرك حكيمى وزمانى تمام اولغين قرآن

عظیمین ماعداسنی تلاوت و مقتضاسیله عمل جائز دکلدرو .
 (ورسله) دخی الله تعالی نك انساندن نیجه کامل
 ذوات کرامی محضا لطف الهیسیله پیغمبرک شرفیله
 مشرف قیلوب مبارک یدلورنده معجزه لر خلق ایدوب
 حق پیغمبر اولدقلری ثابت اولدقدن صکره هر بری
 زمانلرنده امتلرینی الله تعالی نك امر ایلدیکی شریعتنه
 دعوت ایتدکلرینه ایناندم پیغمبریمز محمد علیه السلام
 جلّه نسه وحنه کوندرلشدر وشرع شریفی قیامتّه
 قدر باقیدر وقرآن عظیم بیوک معجزه سیدر انس و جن
 بریره اجتماع ایدرب طاقتلرینی صرف ایتسه لر مثلنی
 کتوره منزلر .

(و الیوم الآخر) دخی آخر کونک واقع اوله جفته
 ایناندم اهل تفسیرک بیانلری اوزره یوم آخر دن
 مراد جمع موتی تکرار احیا اولنوب هرکس قبرلردن
 قالمسی و جلّه سی میدان محشرده جمع اولنمی ودفتر
 اعمالری یدلرنه ویرلمسی و محاسبه اولنمی و سیئات
 و حسنات وزن اولنمی و صراط کور بسندن
 یکلمسی و اهل جنت جنتّه و اهل جهنم جهنمه کیروب
 ثواب ابدی و عذاب سرمدی و سائر آیات کریمه
 واحادیث شریفه ده وارد اولان احوال آخرت
 جلّه سنک زمانیکه نهایتسز زماندن عبارت ایمدی

يوم آخره ايمان بو ذكر اولنان امور اخرويه نك
جله سنه ايمانه شاملدر و بونلرك كليسي آيت كريمه لى ايله
ثابتدر حق اولديغنه ايمان اولنقى لازمدر .

(و بالقدر خيره و شره من الله تعالى) دخى هر عبدك
بر مقدر كه وجوده كلان خير و شر دن عبارتدر كرك
عبدك افعال اختياريه سى و كرك سائر اشيا جلّه سى
الله تعالى دن اولديغنه يعنى الله تعالى نك ديلسيله
تقد يريله او لدیغنه ايناندم اعتقادده مذهب اولان
اهل سنت و جماعت مذهبی اوزره .

﴿ اراده جزیه ﴾

انجق عیددن صادر اولان افعال اختیاریه ده عبدك
اراده جزیه سى و اختیارى وارد عبد ده حق تعالى
فعل و ترك جانلرينه تعلقه صالح اقدرت و ارادت خلق
ایتمشدر عبد اراده سنى بر جانبه صرف و اول جانبي قصد
و اختیارندن عبارت اولان اراده جزیه سيله بذل
مقدرتی عقینده الله تعالى ديلرسه اول جانبي قدرت
الهيّه سيله خلق ايدر رضای ربانیسنه موافق ايسه
طاعت عد اولنوب عبد مثاب اولور و اكر رضای
ربانیسنه مخالف ايسه معصیت عد اولنوب عبد عتاب
و عقابه مستحق اولور .

ودخی معلوم اوله كه بيان اولنان وجه اوزره مؤمن

استبانه
واقع الحریه

اولان کیمسه ایمان اولنقی لازم اولان برشیده شبهه
ایلدکده اول کیمسه یه فرض اولان فی الحال الله
تعالی نك علمنده اول شیده حق اولان نه ايسه اکا
اینا مقدر صکره تحقیقنی علم عقایدده کامل بر ذات
بولدقده او کر نمکده اھمال وقصور ایتک جائز دکدر .
ودخی مسلم اولان کیمسه یه نه ملتدنسن دیو سوال
اولدقده ملت نحمد لی الله تعالی علیه وسلم دنم دیمک
کر کدر .

﴿ کلمه کفر ﴾

ودخی مسلم اولان کیمسه نك لساندن کلمه کفر صدور
ایتسه قلیله اعتقاد ایتسه ده تجدید ایمان ونکاح لازم
اولور ایتدی شرعاً تعظیم اولنقی لازم اولان ایمان
وقرآن وعلم دین ومذهب وکعبه وبونلرک امنالی
شرعاً مبارک وشریف اولان شیردن برینه الفاظ
خلیظه ایله سوکک تعزیز وتجدید ایمان ونکاحی ایجاب
ایدر بغایت حزر اولنه وسائر کلام فاحشیدن
وخصوصیه آناه سوککدن دخی لسانی حفظ ایتک
لازمدر . ودخی هر مسلم اخشام وصباح توبه
واستغفار مداومت ایتک کر کدر . ودخی ایمانک کالی
اعمال مفروضه ایله در جله اعمال مفروضه نك اصلی
ودینک دیرمه کی بش وقتده فرض اولان نمازدر

فرصتی اثبات ایدن نیجه آیت کریمه لر و حدیث
شریف لر وارد و پیغمبر من محمد علیه السلام
حضرتلرینک وقت سعادتلرنده فرضیتنه اجاع
امت واقع اولوب فرضیتی حقنده اولان آیات و احادیث
بر وجهله تأویلی قابل دکلدر .

﴿ نمازی انکار ﴾

و قرآن کریمه نیجه محطه ذکر اولنان صلاتن مراد
بش وقتده هیئت مسنونه اوزره ادا اولنان ارکان
معلومه و افعال مخصوصه اولدیی پیغمبر من علیه
السلام حضرتلرینک وقت سعادتن قرنا بعد قرن
تواتر ایله نقل اولمشدر مشیخت ادعا سنده اولوب
الحاد و زندقه اعتقادنده اولان کیمسه بعض عوام
مسلیمه سکا صلات مفروضه بی باغشلام قلمه دیدیکی
یا خود صلاتن مراد بوارکان معلومه دکلدر انجق
ذکر و مراقبه در دیدیکی شرعاً ثابت اولسه امر
اولی الامر ایله قتلی لازمدر و بحال اوزره طو تولدقن
صکره توبه سی دخی قبول اولنمز .

ایمدی هر عاقل و بالغ اولان کیمسه ذکر اولنان وجه
اوزره ایمان اولنه جق اموری یلوب ایمان ایتد کدن
صکره بش وقت نمازک فرضلرینی و واجبلرینی یلوب

پیغمبر یمز علنه السلام حضرتار ندن نقل اولندیقی
وجه اوزه برینه کتورمکی جمیع کاری اوزریه
تقدیم ایلک لازمدر .

اهل سنت و جماعت شویله اجماع ایلدیلرکه نماز
بورجی توبه ایله وسائر حسنات ایلله ساقط اولماز قضایه
محتاجدر توبه ساقط اولان انجق قضایی تأخیردن
نشئت ایدن کناهدرد و الحاصل نمازی انشاءه ایدنلره
بیوک عذاب اوله جفی قرآن کرمیمده و حدیث
شریفلرده تصریح اولتمشدر .

﴿ حکمنده اولنلره نماز ایلله امر ایتک ﴾

ودخی اولادینه وسائر حکمنده اولنلره بدی یاشندن
صکره نمازی او کردوب قلمنی بیورمق و اون یاشنه
کیردکده نمازی ترک ایتدیکجه ایلله اوچ کره اورمق
کر کدر ودخی زوجه منی غسل یا نمازی ترکیچون
دوئک و اردر اصلاح اولماز ایسه مهرینی و یرمکه
قدرتی بوغیسه ده بوشایوب بورجلو اولمق خیرلو
اولدیفی کتب معتبرده ذکر اولتمشدر .

﴿ نمازک فرضلری ﴾

ایمدی معلوم اوله که نمازک فرضلری اون ایکیدر
اولکسی . حدثن طهارت . ایکنجی . نجاسدن
طهارت . اوچنجیسی ستر صورت . دردنجیسی

استقبال قبله . بشنجیسی وقت . التنجیسی نیت .
 یدنجیسی تحریمه . بویدی به شرط دیر لر نماز باشلامدن بولنملری
 فرض اولان شیلردر . سکزنجیسی قیام . طقوزنجیسی قرائت
 اوننجیسی رکوع اون برنجیسی سجود . اون ایکنجیسی نمازك
 آخرنده تشهد مقداری اوتورمق . بوشنه رکن دیر لر نمازك
 ایچنده فرض اولان شیلردر بونلر سز نماز صحیح اولماز ودخی
 بواون ایکی فرصلر تفصیل اولنمه محتاجدر .

﴿ حدثن طهارت ﴾

اما حدثن طهارت دیمك صو بولنوب واستعمالنه قدرت
 اولان محمله غسل لازم اولدیسه غسل ابدست لازم
 اولدیسه ابدست المق صو بولنوب یاخود استعمالنه
 قدرت اولمیان محمله تیمم ایتمکدر .
 ودخی حدث دیمك جنب یا ابدست سز اولمقدر .

﴿ غسلك فرضلری ﴾

غسلك فرضلری اوچدر اغزینی وبورنی وسائر
 بدننی یومق کیفیت مسنونه سی اولدرکه اولا الیرینی
 یویوب استنجا برلرینی وسائر محمله نجاست وار ایسه
 پاك ایدوب وابدست الدقندن صکره جمیع اعضایی
 اوچرکره یومقدر اولکی دفعه ده الیه اوغنی دخی سنندر

﴿ موجب غسل ﴾

غسل ایجاب ایدن شلر او یقوده انسانك احتلام
اولمی و یا خود یقظه حالنده حقیقه و یا حکما قضای
شهوت اینسی و کذلک خاتونلرک حیض و نفاسلرینک
نهایت بولسیدر ودخی جمعه و بیرام نمازلر یحون
غسل ایلک سنندر

﴿ ابدستک فرضلری ﴾

ابدستک فرضلری درتدر یوزینی والرینی درسکار یله
بیله یومق و باشنک درت بلو کنده برینی مسح ایلک
و یا قلرینی طوبوقلر یله بیله یومق . صورت مسنونه سی
اولدرکه بسمله ایلله الرینی یویوب مسواکلند کدن
صکره اغزینی و بورنینی اوچر کیره یویوب صکره
حدثن طهارت نیت ایدوب فرضلرک ارالرینی کسمیدرک
ذکر اولنان ترتیب اوزره باشنه مسحدن ماعداسنی
اوچر کیره یویوب و یاشنی تمام ایتک و پرمقلرینک
وصقالنک ارالرینی خلالمق و قولقلرینک ایچنی شهادت
پرمغنک ایچی ایلله وار دینی باش پرمغنک ایچی ایلله مسح ایتکدر .
ودخی باقی قلان اوچ پرمقلرینک ارقه سیله بوینی مسح
ولرنده و یا قلرنده صاغ یاندن باشلق مستحبدر

﴿ آبدستی بوزانلر ﴾

آبدستی بوزانلر اوکدن وارتنن چیقان شی واددن کلان یل وهر عضودن چیقان قانک وایرینک و صاری صووک افسی و آغز طولیسی بلنمدن ماعدا نسنه بی قوصحق و یاتوب و طیانوب او یومق طیاندیغی شی آنسنه دوشر ایسه وداو اولمق و باطلق و سرخوش اولمق و صلات جنازه و سجده تلاوتدن ماعدا صلات و سجده سهوده یانده اولان کسه ابشیده جک ودر باغ اولان کیمسه کک کولسیدر .

﴿ مست اوزرینه مسح ﴾

ودخی اهل سنتک علاماتندندر مسنلر کک اوزرینه مسح ایلک . ایمدی ایاقه لرینی یو یوب مسـ لـرـیـنی کیمار کسدن حدث واقع اولدیغی وقتده ابدستقنده نفصان اولماسق شرطیهله مقیم ایسه حدث وقتده ابرئسی وقتده قدر مسح اندر . مقیم دیمک وطنده یا وطنده قین اولان برده اکلا نوب یا وطنندن مدت سفر اوزاق اولان محله اوس بش ککون یاز یاده اکلنمه بی نیت ایدن کسه دیمکدر .

﴿ مدت سفر ﴾

ودخی مدت سفر قرمه اورطه بورومکله و دکرده اعتدال هوا ایله قیصه کونلردن او یله به قدر کیدرک

اوج كونك يردر ومسافر اولان كسسه يولده اون بش
كون اگنه بي نيت اتمد بجه قونديغي محلرده حدث
وقتندن اوج كون اوج كچه مسح ايدر
مسافر ديمك مدت سفر ياز ياده بر محل قصد يله اقامت
ايلديكي محلدن ابر يلان كسسه ديمكدر .

﴿ صاحب عذر ﴾

صاحب عذر اولان كسسه عذري كسلديكي حالده
آبدست آلوب مستلريني كيسه صحيح اولان كسسه
كبي مقيم ايسه بر كون بر كچه مسافر ايسه اوج كون
اوج كچه مسح ايدر و اگر عذري حالنده كيسه
كيديكی وقت چيتمغله مدتي تمام اولمغين يكيدين
آبدست الوب اياقزيني يقامق لازم اولور .

صاحب عذر اولق مبتلا اولديغي عذر بروقتك
اولندن اخريندهك آبدست الوب نمازي ادا ايدهك
قدر كسلماكله اولور صاحب عذر اولمقدن خلاص
اولوب صحيح اولق بروقتك ايچنده مبتلا اولديغي
عذر اصلا ظهور اتماكله اولور . ودخ صاحب
عذر هر نماز وقتده آبدست آلور وقت خروج
اينجهندهك اول آبدستله ديلديكي نمازي قيلار مبتلا
اولديغي عذر ك غيري حدث واقع اولمغنه وقتك
ايچنده آبدستي بوزماز . اما مبتلا اولديغي عذري

کشلش اولوب بشقه حدندن ناشی آبدست الدقدن
صکره اقسه ابدستی بوزیلور تکرار ابدست المی لازم
اولور ودخی مسجده فرض اولان مستلرک اوزرینه
اوج پرمق مقداریدر . صورت مسنونه سی ایاقلرینک
پرمقلری طرفدن مستلرک بوغازینه طوغری بره قلرینی
اچهرق واللرینک ایاسنی طوقدیر مقسزین بر **ک**ره
مسح ایتمکدر .

مستلرینک برنده بریرده یابشقه بشقه یرلوده اوج پرمق
مقداری اجیق اولسه مسح ایلک جائز اولماز ودخی
مست اوزرینه کیلان چزمه اوزرینه ده مسح جائز اولور
اکر ایاقلرین یقادیغی وابدست بوزلمه دن **ک**یوب چزمه لر
اماک ایسه .

﴿ صارغی وزرینه مسح ﴾

ودخی قیرق وچیقیق و یاره صارغیلرینی چوزوب
تختنی یقامقده ویا مسح ایتمکده ضرر اوله جفی معلوم
اولور ایسه صارغی اوزرینه مسح جائزدر بغلندیغی
وقت ابدستلی اولمی لازم دکدر بر ایاغنده یاره ویا
قیربق ویا چیقیق اولوب صارغی اوزرینه مسح
ایلسه او بر ایاغنک مستی اوزرینه مسح جائز اولماز
یقماق لازمدر . ودخی بر ایاغنک پرمقلری و اوستی
کشلش اولوب انجق طوطوغی و او پکه سی اولسه

اولمقدار محله مست کیوب او زربنه مسح ایتک جائز
اولیوب یقما مق لازم اولمقین صحیح اولان او بر ایاغنه
دخی مست کیوب او زربنه مسح ایتک جائز اولماز اما
یا لکز بر ایاغی اولان کیسه اول بر ایاغنه مست کیوب
اوزربنه مسح ایتک جائز اولور .

﴿ تیم ﴾

ودخی آبدست ویا غسل لازم او لدیغی محله صو
بولنیوب درت بیک آدیم اوزاق اولسه یاخود صو از
او اوب کندی ویا حیوانی صو سز قالمسندن قور قسه
یاخود صویه وصلندن ویا استعمالندن عاجز اولسه
آبدست ویا غسل یرینه تیم ایدوب حدثن طهارتله
مشروط اولان عملردن دیلدیکنی ایشلر . ایمدی تیمده
نیت لازمدر صورتی بودرکه الربنی بر کره پاک طپراق
جنسندن بر شیئه او روب الربنی توز اولور ایسه
سلکوب یوزینی قابلو مسح ایده صکره بر کره دخی
او روب صول الیه صاغ الک پر مقلربنک او جلرندن
درسکینه دک مسح ایده قولک ایچنده و طیشنده اصلا
مسحندن خالی بر یر قالمیه صاغ الیه دخی صول
قولنه بویه مسح ایلیه . ودخی آبدست الندیغی
تقدیرده جنازه یا پیرام نمازلری فوت اوله جفی صورتده
تیم ایله قلنقی جائز اولور جمعه ویش وقت نمازلری

بویله دکلدر لکن آبدست و یا غسل ایله اشتغال
اینسه وقت چیقاجغی صورتده وقت چیقمدن تیم ایله
قیدوب صکره اقتضاسنه ~~صکره~~ طهارته اعاده
ایلسه اولی اولور . ودخی ایکی الری چولاق
اولوب کدی آبدست ونیم اینکجه قادر اولوبوب
وآبدست ونیم ایندیرر کسه سی اولسه ایکی الری
درسکریه وارنجه بره مسح ایدوب و یوزینی دیواره
مسح ایدوب نمازی قیلای کر کدر . ودخی تیم صوبی
استعماله قدرته و آبدستی بوزان شیر ایله بوز یلوب
ودخی آبدست و غسل صوبی بها ایله صابیلان محله
قدرتی اولور ایسه اول محله ذکر بهاسیله المق
واجب اولور

﴿ نجاستدن طهارت ﴾

واما نجاستدن طهارت دیمک نمازه مانع اولان
نجاستدن پاک اولقدیر . نمازه باشلامدن بدتمده
و کیندیکی شیده و نیاز قیلدیغی یرده در همدن زیاده
یعنی بول و شراب کبی مایع اولان نجاستدن ال یاسندن
زیاده یره اصابت ایندیه و قاذورات کبی جثلی
نجاستده درهم افرندن زیاده اولور ایسه کرک طوبی بر
برده اولسون و کرک بشقه بشقه یرلرده اولسون پاک ایتک

فرضدر . ودخی نجاست اصابت ایدن شی اگر بر قاب ایچنده
یقانور ایسه هر بر دفعه سنده صبقارق اوچ دفعه یقامغله ماك
اولور صابون و صابون کی بر شیشه محتاج دكلدر صیغلق
ممکن اولیان شیده هر دفعه سده قورتمق لازم اولور و اگر
اوزرندن صواقارق یقانور ایسه صیغلق و یاقورتمق لازم
دكلدر باقر و بلور و شیشه اوچ کره یقانوب اثر نجاست قالماسه
ماك اولور . ودخی دفع طمع اولندقدن مقمذك اطرافه در
همدن زیاده نجاست تجاوز ایدر ایسه صوابله استجایعنی یومق
فرض اولوب تجاوز ایتدیکی حالدن سنت اولور .

﴿ ستر عورت ﴾

واما ستر عورت کو یکی التندن دیزیه برابر ستر اولتمق قرانلق
کیچمه ده دخی لازمدر . حرا اولیان عورتلره ارقه سنی و قرنی
ویانلرینی دخی ستر لازمدر و حره اولان خاتونلره یوزی والینك
ایچی و یا قلدن ماعداسنی ستر لازمدر ایدم ستر لازم اولان
عضولردن بر یسنك درت بلوکنده بر بلوکی بر رکن ادا یعنی
اونچ تسبیح ایدم جك قدر اجلسه نمازی جائز اولماز ودخی ستر
ایده جك برشی بوله مدینی و قنده اوتوروب ركوع
وسجودی ایما ایدرك قیلن افضلدر درت بلو كده

بر بلوکی پاک بر لباس بولوب و تطهیرینه قادر اولماسه
انکله سترعورت ایتک لازمدر ودخی قدرتی اولدیغی
قدر کوزلجه لباسله ادای صلوة مستحبدر .

﴿ استقبال قبله ﴾

واما استقبال قبله دیمک کعبه مکرمه خصور و معاینه
سنده اولان کسینه نیک عین کعبه یه یونلسی و کعبه مکرمه
حضور و معاینه سنده اولیان کیمسه نیک کعبه نیک اولدیغی
جهتنه یونلسیدر . ایمدی نماز ایچنده عذر سز کو کسینی
قبله دن دوندر مکله نماز فاسد اولور و یالکز یوزینی
دوندر مک اشد کراحتله مکروهدر اما مرض یاسا عذر
ایله قبله یه توجهدن عاجز اولسه نه طرفه قادر اولور
ایسه اولطرفه توجه ایدر .

قبله نه طرف اولدیغنی بيله میوب وسؤال ایده جک
کسینه اولسه تحری ایدوب یعنی وسغنی بذل ایدوب
رأیی نه طرفه حکم ایدرسه اولطرفه توجه ایدر بشقه
طرفه توجه ایدر سه اصابت ایلسه ده نمازی جائز
اولماز تحری ایدوب قیلد قدنصکره وقت چیقمدن
خطاسی ظاهر اولسه اعاده سی لازم اولماز نمازک
ایچنده ایکن خطاسی ظاهر اولسه یاخود رأیی بشقه
طرفه تحول ایلسه نمازک ایچنده اولطرفه دو تر
یکیدن باشلامق لازم اولماز والحاصل نمازک ایچنده

درت طرفه رأی تحول ایدوب درت طرفه دونه رك قیسه
 جاثر اولور . بر قاج كسسه قبله ده شبهه ایدوب تحری ایتد كلرنده
 رأیبری توافق ایتسه جاعتی ترك ایدوب هربری رأیبری اوزره
 یالكزیا لكز قیلار لر رأیبری توافق ایدنلر جاعت اولور لو .
 ودخی قبله ده اشتباه ایدن كسسه تحریسنز بر طرفه توجه ایدوب
 قیلدیغی صورته اكر نمازك ایچنده قبله یه راست كلدیكى معلومی
 اولور ایسه نمازی یكیدن باشلامق لازمدر و اكر نمازی تمام
 ایتد كدن صكره قبله یه راست كلدیكى معلومی اولور ایسه
 اعاده سی لازم اولماز و اكر قبله یه راست كلدیكى معلومی اولماز
 ایسه نمازی جاثر اولماز تحری ایدوب رأی نه طرفه غالب اولور
 ایسه اول طرفه یكیدن قیلق لازم اولور رأی بر طرفی ترجیح
 ایتسه درت طرفه درت دفعه قیلار .

﴿ نمازده او كنه ستره دمك ﴾

نماز قیلدیغی محله او كندن آدم بكمك احتمالی اولور سه او كنه
 پانیمق قالكلغنده و برار شون اوز و نلغنده برشی ديككم مستحبدر
 و جاعتله قیلنور ایسه ساده امامك او كنه ديككم كفايت ایدر .

﴿ نمازك وقتلى ﴾

واما وقتك اولى در كه فرض اولان نمازك شرعه وقت
معینی وارد نمازی ادا اولوقت ایچنده اولق شرط در واندن
نمازی چیقار مق جائز دکلدر بر مانعه وقتندن چیقدیغی حالد
قیلدیغی صورته ادا ایتش اولماز بلکه قضای ایتش اولور .
ایمدی صباح نمازینک وقتی اطراف آچا دیغندن کونش طوعجه به
قدر در ودخی اویله نمازینک وقتی امام اعظم ابوحنیفه عندنده
کونش زوالدن یعنی هر بر شیشک کولکهمی قیصالقده نهایت
بولدقدن صکره آرتمه باشلا مسندن تا کولکهمی ایکی قاتی اولجه
به در وینه برروایته شا کردلری امام ابی یوسف و امام محمد عند
لونده هر بر شیشک کولکهمی بر قاتی قدر اولجه در وایکندی تما
زینک وقتی ایکی قوله کوره اویله تک وقتی تمام اولدیغندن کونش
غروب ایدنجه در و اخشام نمازینک وقتی غروبدن بیاضلق
غائب اولنجه در و یاتسو نمازینک وقتی بیاضلق غائب اولدیغندن
صبح نمازینک وقتی کیرنجه در و تر نمازینک وقتی یاتسو تک
وقتیدر لکن یاتسو تک فرضی ادا اولنجه قیلتماز .

﴿ مکروه وقتلى ﴾

کونش طوغرکن وزوالده ایکن وغروب ایدرکن فرض

و واجب اولان نمازلى قىلىق صحىح دكلدر مكر قىلدېغى
 اوكونك ايكندىق نمازى اولور ايسه كونش غروب ايدركن
 قلمسى صحىحدر ودخى بواوچ وقتك غىريسده حاضر لنان
 حنازه نك نمازیده بواوچ وقتده صحىح اولماز وبواوچ وقتك
 غىريسده تلاوتله واجب اولان سجده يیده بواوچ وقتده ادايتىلك
 صحىح دكلدو دخى ربواچ وقتده وبوندىن ماعدا صبح نمازى نك
 وقتده وايكندىك فرضدن صكره كونش غروب ايدىنجه
 وكونش غروب ايدىكدن صكره اخشامك فرضدن مقدم ناوله
 قىلىق كراحت تحريمه ايله مكروهدر .

﴿ نیت ﴾

امانیت اولدركه قىلاجى نمازىش وقت فرضلردن قىغىسى
 اولدىغى ملاحظه ايدرك الله تعالى نك رضا سچون ادا سنى قلىيله
 قصد ايتىكدر لسان ايله سويلنمىسده مستحيد رآماه اقتدا ايدىك
 ايسه نيتسده امامه اويغى دخى قصد لازمدر مثلاً صبح نمازىنى
 امام ايله قىلاجى اولدقده قلىيله خلوصى اوزره صبح نمازى نك
 فرضنى امام ايله ادا قصد ايدرك لسان ايله نيت ايلدم الله تعالى نك
 رضا سچون صبح نمازى نك فرضنه اويدم شو امامه دير و جمعه
 و پيرامو و ترونذر نمازلى نده دخى تعيين ايدرك ملاحظه لازمدر

ماعدانمازلرده همان الله تعالى نك رضا سچون نمازی قصد
کفایت ایدر ونیت ایله افتتاح تکبیر نك اراسنده نماز
متعلق اولیان علی ایشلیه .

﴿ تکبیره التحریمة ﴾

واما تحریمه دیمك نمازك ابتدا سنده حق تعالی به انحق تعظیم
افاده ایدوب برشی دلیلکه دلالت ایمان لفظدر مثلاً (الله اکبر یا
الله اعظم یا الرحمن اکبر) یا بونلر کی بر لفظدن قنغیسیله باشلر سه
جائز اولور لکن بونلرک ایچنده الله اکبر ایله باشلامق واجبدر
غیر یسیله باشلامق کراهت تحریمه ایله مکر و هدر ودخی
افتتاح تکبیرنده ارکشی به سنت اولان اولالیرینی پرمقارینی
صمیمیه رق قولقلرینه برابر قالدیروب و تکبیر ایدر کن باشنی
اکمکدر خاتونلر نمازه شروعلرنده الیرینی اموز باشنه
قدر قالدیرو و قنوت تکبیری ویرام نمازلونک تکبیرلری
وجنازه نمازینک افتتاح تکبیری دخی بویله در

﴿ اذان و اقامت ﴾

ودخی فرضلرک ادا سنده و قضا سنده ارکک حقنده اقامت سنتدر
نته کم اذان سنت اولدیغی کی ودخی اذانک کیفیتی بودر که ابتدا
سنده درت کره الله اکبر صکره ایکیشر کره اشهدان لا اله الا الله
اشهدان محمد رسول الله - حی علی الصلوة - حی علی الفلاح

- اکبر - صکره بر کره - لا اله الا الله - دیمکدر انجق صباح
نمازینک اذاندنه ایکی کره (حی علی الفلاح) دید کدن صکره ایکی
کره (الصلوة خیر من النوم) دیمک مستجیدر و اذان اثناسنده
پرمقارین قواقلرینک دلیکنه قومق کوزلدرو کله لوار الوری
کسیله رک او قویوب سرعت اولمیه وحی علی الصلوة دیرکن
انجق یو یینی صاغنه دوندیروب وحی علی الفلاح دیرکن
صولنه دوندیره و مناره ده کندی دخی دونوب مناره نک صاغنه
وصولنده بونلری او قویه و اقامتک کلماتی اذان کیدر انجق
اقامتده دخی حی علی الفلاح دن صکره ایکی کره قد قامت الصلاة
زیاده اولور و کلماتک ار الوری کسلز و اذان و اقامتی ایاقده ایدوب
قبله یه استقبال ایلیه . .

﴿ نمازک رکنلری ﴾

ودخی نمازک رکنلری (اولکیسی قیامدر) فرض و فرض
اولان نمازلره ملحق اولان نمازلر که و ترونذر و صباح نمازینک
سنتی کبی یونلرده قدرتی اولان کسنه یه ایاق اوزره طور مق
فر ضد صورت مسنونه سی اولدر که صاغ الینک آیه سنی صول
الینک اوزرینه قویوب و صاغ الینک کوچک پرمغنی باش
پرمغیله حلقه ایدرک صول بیله کنی طوتوب کو بکنک

التینہ قویوب و ایقلربنی قبلہ بہ توجہ ایندیروب ارلری درت
 یرمق اولقدر عورتلر صاغ البنی صول الینک اوزرینه
 کتوروب کوکسنک اوزرینه قور ودخی خسته لک یابشفه
 برمانفله قیامدن عاجز اولسه اوتوره رق فرضی ادا جائز اولور
 مثلا اسلامبولدن اسکداره کیدرکن ایکندینک وقتی چیقمه
 قریب اولوب و قایقندن چیقماق ممکن اولماسه قایقده فرضی
 اوتوره رق ادا جائز اولور ودخی نافله به یاخود قیامدن عجز
 ایله فرضه اوتوره رق شروع ابتد کده سنت اولان اللربنی
 قیامده ایتدیکی کبی صاغنی صولی اوزرینه قور قدر .

﴿ قرائت ﴾

نمازک رکترلرندن ایکنجیسی قراشدر قرائت دیمک کندی
 ایشیده جک قدر لسانیه حرفلری مخرجلرندن کتوره رک برآیت
 . قدری اوقومقدر هر بر مکلفه برآیت حفظ الیک فرضدر
 وسوره فاتحه بی وبشفه برسوره بی حفظ الیک واجبدرایکی
 رکعت اولان فرضلرک و وترک و نافه نمازلرک جمیع رکعتلرنده
 قرائت فرضلرک و اوچ و درت رکعت اولان فرضلرک انحق
 ایکی رکعتنده فرضدر اول ایکی رکعت قنغیسی اولورایسه
 اولسون ولکن والکن و ایکنی رکعتلرنده
 اوقونمسی وسوره فاتحه و برکچوک سوره

و یا مقداری ضم او نمسی و اجبدر ودخی او چنجی و در دنجی
ر کتارنده مختار اولان فاتحه او قومق و اجبدر سهوایله
سوره صم او انسه سجده سهو لازم اولماز .

﴿ جهر و اخفا ﴾

ودخی صباح نمازنده و اخشام و یا تسو نماز لولینک ابتدا کی و یا کنجی
ر کتارند و جمع و بیرام نماز لولنده و وترده و تراویحده امام
قراشده جاعتی مقداری جهر یعنی صوتنی قالد رمق
و ما عدا سنده اخفا الملك و اجبدر قضا لوی دخی ادا لوی کبیر
یا لکزیلان کیمسه کیمه نافله سنده و وقتنده قلنان فرض جهریده
دیلر سه جهر و دیلر سه اخفا ایدر ما عدا سنده اخفا انمسی
واجبدر و دخی امام جهرا قرائت ایدر کن حبط اولدوره افتدا
ایدن لردن بری حبط اولدیفی محلدن قمع و قرائت ایدوب امام
دخی قعنه بناء اول محلدن قرائت ایتسه نمازی فاسد اولماز و دخی
قراشدن اول ابتدا کی رکعته (سبحانک اللهم و بحمدک و تبارک
اسمک و تعالی جددک و لا اله غیرک) (اعوذ بالله من الشیطان الرجیم
بسم الله الرحمن الرحیم) دیمک صکره کی رکعته رده قیامه قالدجه
آنجق (بسم الله الرحمن الرحیم) دیمک و هر رکعته
فاتحه او قویوب یا امامدن استماع ایتدجه آخرنده یا بجه جق
آمین دیمک ستندر

﴿ رکوع ﴾

نماز رکعتی را و پنججسی رکوع در ایامی مصلی قرائت
 خارج اولده (الله اکبر) دهر رکوعه کیدر سنت اوزره
 رکوعه صورتی باشی ارقه سبله سبله ارقه سی دوزا ونجه کوب
 پر مقلربنی اچهرق اللریله دیزلربنی طونوب و طوبوقلربنی
 بر برینه یاپشدیره رقی اینجکارینی دیکمدر و بوهیت اوزره اوج
 کره (سبحان ربی العظیم) دیمک ورکوعه و سائر رکعتله انتقال
 ایدرکن (الله اکبر) دیمک سنندرانجق رکوعدن قالفارکن
 امام ایسه (سمع الله لمن حمده) دیمک سنندر امامه اویدی ایسه
 (ربناک الحمد) دیمک سنندریالکز قیلار ایسه قالفارکن (سمع الله لمن
 حمده) دیوب طوغر لدقندن صکره (ربناک الحمد) دیمک سنندرا
 و بو قدر طوغری طور مقده اوج روایت واردر بر روایتده سنت
 و بر روایتده واجب و بر روایتده فرض بونک اسمی قومه در
 بوکا اهتمام لازمدر .

﴿ سجود ﴾

نماز رکعتی در پنججسی سجود در هر رکعتده ایکی کره سجده
 فرضدر ایامی قومه دن سجده یه واریرکن ابتدا دیزلربنی یره
 قویوب صکره پر مقلربنی صیقه رقی و قبله یه
 توجه ایندیره رک اللربنی قومق صکره باشی
 ایکی اللربنک اراسنه قومق سنندر . و باشی قودیغی

باشی در این مجلس
بر سر میز رضا
در هر دو طرف
رسم می افتد

مهلك پكلكنى اكلا به جق مرتبه بر گشاید و ب آلنى
و بورنى بره مس ايندیرمك لازمدر آلنى اصلا به
وضع ايتيوب باشند اولان صارينغى الله صارلمش
دكل ايكن عذر سر صارينغى ايله بورنى اوزرينه سجده
ايلسه جائز اولماز و اياقلىرىك بريسنىك اولسون
بر مقلربنى قبله به توجه ايندیرمك وضع ايتمكه لازمدر
بو وجه اوزره وضع ايتز ايسه نمازى جائز اولماز
دير سكرينى آچوب و اولقلىرىنى قرتندن ايراغ ايتك
زحام اولماز ايسه سنندر ودخى سجده ايدر كن
باشنده كى شى چيققدنه بر ايلله كيوبده قيقق باشى
آچيق قيققدن افضلدر عورتلر حققدنه دير سكرينى
آيرمق و اولقلىرىنى قرتنده ايراغ ايتك يوقدر ايمدیر
شو هيئت مذكوره اوزره سجده ده اوچ كره (سبحان
ربى الاعلى) ديمك سنندر صكره (الله اكبر) ديه رك
قالقوب تشهده او توردينغى كى بر كره (سبحان الله)
ديهك قدر او تورر و بو قدر او تور مغه جلسه ديرلر
بونده ده قومه كى اوچ روايت واردر بوكا دخى اهتمام
لازمدر زيرا تعديل ارکان بونلر ايله حاصل اولور
امام ابى يوسف عندنده فرضدر و امام اعظم و امام
محمد عندلونده بر روايتده واجب و بر روايتده سنندر
بوندن صكره ذكر اولنديغى وجه اوزره ايكنجى

سجده بی ایند کدن صکره بره طیب ایتیموب او تور مقسزین
(الله اکبر) دهرک ایکنجی رکعتنه ایاغده قارقار.
(رکوع و سجوددن عاجز اولسه)

ودخی بو ذکر اولدنیغی وجه اوزره رکوع و سجوددن
عاجز اولسه او توره رق رکوعه برازا کیلوب سجده یه
اندن زیاده اکیله رک ایما ایدر اوکته بریوکسک نسنه
قویوب اوزرینه سجده ایتک یوقدر همان سجده ده
رکوعدن زیاده اکتک لازمدر ودخی او تور مغه ده
قدرتی یوغیسه ایاقلری قبله یه طوغری ارقه سی اوزره
یاتهرق یاخود بانه یاتوب یوزی قبله یه کله رک باشیله
قدرتی قدر رکوع و اندن اشاغی اولهرق سجود ایدر
بوکاده قادر اولمازسه کوزیله یاقاشیله یاقلیله ایما ایتیموب
تاخیر ایدر ودخی ایکنجی رکعتده ابتدای رکعتده
بیان اولدنیغی وجه اوزره قرائت ورکوع و سجده لردن
صکره ارککلره سنت اولان صول ایاغنی بره یاتوروب
اوزرینه او توروب و صاغ ایاغنی پارمقلرینی قبله یه
توجه ایتدیر رک دیکوب صاغ الینی صاغ او یلفینک
اوزرینه و صول الینی صول او یلفینک اوزرینه
پارمقلرینک او جلری دیزلرینه برابر اولهرق قومقدر
وعورتلر صول جانی اوزرینه او توروب ایاقلرینی
صاغ جانبندن چیقارمق مسجدر ایمدی اکر فلان

نماز ايکي رکعت اولوب سلام و بربله جک ايسه بو قعده
نمازک رکترلرندن اولور .

﴿ قعده اولی و اخیره ﴾

بشجیسی نمازک آخر نده تشهد مقدار ی او تور مه
اولوب فرض اولمش اولور بو نده (الحیات لله
والصلوات والطیبات السلام علیک ایها النبی ورحمة الله
وبرکاته السلام علینا وعلی عباد الله الصالحین اشهد
ان لا اله الا الله واشهد ان محمدا عبده ورسوله) اشبو
تشهد او فونمق واجبدر صکره (اللهم صل علی محمد
وعلی آل محمد کما صلیت علی ابراهیم وعلی آل ابراهیم
انک حید مجید اللهم بارک علی محمد وعلی آل محمد کما بارکت
علی ابراهیم وعلی آل ابراهیم انک حید مجید) صکره
(ربنا اغفر لی ولوالدی وللمؤمنین یوم یقوم الحساب)
یاخود بونک یرینه ادعیه مأثوره دن بر دعا او قومق
سندر صکره ایکی جانلره یوزینک بیاضی کورینه جک
قدر دونه رک ایکی کره سلام و یرمک واجبدر واکر
قیلنان نماز اوج یادرت رکعت ايسه بوقاعده نمازک
رکترلرندن اولوب واجب او لان قعده اولی اولمغله
فرضده وواجبده و سنت مؤکده ده انجق واجب
او لان الحیات یی آخرینه دک او قویوب او چنجی
رکعتی قالقار و سنت غیر مؤکده ده صلوات مذکوره یی

دخی او قویوب او چنجی رکنه قالدقدن صکره سبھانک
واعوذ ایله باشلر .

﴿ نمازك آدابى ﴾

ودخی نماز قیلارکن قیامده سجده یرینه باقی رکوعده ایانک
اوستنه باقی سجدده بور نینک اوستنه باقی قعده ده
قوجا غنه باقی وسلام ویررکن اموز باشلرینه باقی
واسنه دیکی وقتده اغزنی اچمامق بوکا قادر اولماز ایسه
ایلله اغزینی طوتمق وافتتاح تکبیرنده اللربنی یکندن
چیقارمق و قدرتی اولدیغی قدر او کسورکنی دفع ایتمک
نمازك آدابنددر .

﴿ نمازدن اختیاريله چیقماق ﴾

ودخی (خروج بصنعه) یعنی قعده اخیره ده تشهد
مقداری اونور دقدن صکره اختیاريله نمازدن چیقماق
حتی قصدسز حدث سبقت ایتدکده آبدست آلوب
اختیاريله نمازدن چیقماقسه نمازی یاطل اولمق امام
اعظمه نسبت اولنه رق ابو سعید بردعینک تخریجی
اوزره فرائضدن عد اولنور ایسه ده عدم فرضینه
ائمه نك اتقاق اولدیغی زیلعی وسائر محققین تصحیح
ایتملردر . ودخی سلام ویردکن صکره (اللهم
انت السلام ومنك السلام تبارکت یا ذا الجلال
والاکرام) دیمک سنندر .

﴿ نمازك ركنلری ترتیبی اوزره ادا اولنق ﴾

ودخی بو ذکر اولنان رکنلری استیقاظ اوزره ادا ایتک
شرطدر اویقلا یوب نه یابدیعی بیلیمه رک ایلدیکی قیام
ورکوع و سائر افعاله اعتبار یوقدر ایمدی رکنلر دن
برئی بو وجهله صدور ایتسه استیقاظ اوزره اعاده سی
لازمدر اعاده ایتز ایسه نمازی فاسد اولور اما رکوع
یا سجوده قصد واختیار یله واردقدن صکره اویقلا یوب
بعده قصد واختیار یله باشنی قالدیرسه فاسد اولماز
ودخی بو رکنلر ذکر اولنان ترتیب اوزره ادا اولنق
لازمدر ترتیب رعایت بولنم یوب قیامدن اول رکوع
یا رکوعدن اول سجده یا سجده یه وار میوب رکوعدن
صکره رکعت ثانیه ایچون قیامله مشغول اولسه اعتبار
اولنم یوب تأخیر ایلدیکی رکنی یرینه کتوروب فعلیله
مشغول اولدیغی رکنی اعاده و سجده سهو لازمدر
اما رکعت سابقهده سجدتیندن برینی سهوا ترک ایدوب
صکره کی رکعت قیام ورکوع و سجوددن هر قنغیسنده
خاطرینه کلدکده ترک ایلدیکی سجده یی قضا ایدر
ونمازندن هر نه باقی قالدی ایسه قلوب فعلیله مشغول
اولدیغی رکنلری اعاده لازم دکدر انجق سلامدن
صکره سجده سهو ایدر واکر سجدتیندن برینی
سهوا ترک ایدوب قعده اخیره ده سلامدن اول

یا سلامدن صکره نمازه منافی بر شیء ایشلدن خاطرینه
کلسه اول سجده متروکه بی قضا و قعده اخیره بی
اعاده ایتمد بجه نمازی صحیح اولماز و قعده اخیره بی
اعاده ایتدکن صکره سلام و ربوب مجده سهو دخی
واجبدر .

ودخی معلوم اوله که ذکر اولسان رکنلردن برینی
سهوا تأخیر ایلسه مثلا رکوعدن صکره بر رکوع
دها ایدوب صکره مجده ایلسه سجده بی وقتندن
تأخیر ایتش اولور یاخود سجدهدن قیامه قائله جق
صورتمده بر مقدار اوتورسه قیامی تأخیر ایتش اولور
یاخود قعده اولاده فرضده یا واجبده باسنت مؤکده ده
الهیاتدن صکره صلواتدن بر مقدارینی سهوا اوقوسه
اوچنجی رکعتک قیامی تأخیر ایتش اولور یاخود
قعده اخیره به اوتورسه جق ایکن ایاغه قائلسه صکره
خاطرینه کلوب اوتورسه قعده اخیره بی تأخیر
ایتش اولور والحاصل فرضک تأخیرندن سجده سهو
لازم اولور ودخی ذکر اولسان واجبلردن برینی سهوا
تأخیر ایلسه مثلا سوره فاتحه دن اول سوره اوقیوب
صکره فاتحه بی اوقوسه یاخود واجبلردن برینی سهوا
ترک ایلسه مثلا سوره فاتحه بی اوقوماسه یاخود قعده
اولایی ترک ایلسه سجده سهو لازم اولور .

ودخی بر قاج کره سهو ایسه سجده سهو تکراری لازم کلز و امامه اقتدا ایدن کیسه دن سجده سهو ایجاب ایدن برشی وقوعیله سجده سهو لازم کلز .

﴿ سجده سهو ﴾

ودخی سجده سهو دینک نمازدن ایکی طرفه سلام و برد کردن صکره ایکی سجده ایدوب صکره نمازک قعدۀ اخیره سنک کیفیتی اوزره اوتوروب النبیاتینی و صلوات و دعایی اوقویوب سلام و یرمکدر .

﴿ نمازده قاج رکعت قیلدیغنی بیله مسه ﴾

ودخی نمازده قاج رکعت قیلدیغنی بیله میوب شبهه ایدن کیسه اصلندن هیچ یاشنه کلش دکل ایسه سلام و یروب یکیدن باشلایوب قیلق لازم اولور واکر کندویه بویله چوق واقع اولورسه دوشنوب عقلی قاج قیلدیغنی کسرسه انکله عمل ایدر ولکن دوشنمکله برر کوع مقداری وقت مشغول اولورسه سجده سهو لازم اولور واکر عقلی قاج قیلدیغنی کسز سه آز اولان احتمالی اعتبار ایدوب اوتورمه محلی ظن ایتدیکی یرلرده اوتورهرق تمام ایدوب صکره سجده سهو ایدر .

ودخی نمازده سجده سهو ایجاب ایدن شیلری قصدا ایشله سه کراعت تحریمیه ایله مکروه اولوب نمازه

نقصان کلمه نکلیم چون اعاده سی لازم اولور و ذکر اولنان سنلری ایشلمده اجر و ثواب اولوب قصد ترك انیمکده کراحت تنزیهیه واردر سهوا ترکنده سجده سهو یوقدر .

﴿ مستحب و مندوب و ادب ﴾

مستحب اولان شیلرکه اکا مندوب و ادب و فضیلت دخی دیرلر سندن ایشلمده اجر و ثواب اولوب ترکنده کراحت یوقدر . بویون صکره معلوم اوله که نمازده اولان کیمسه نمازی اصلا حده مدخلی اولوب بلکه کیروندن مشاهده ایدن نمازده اولان کیمسه بونی ایشلر دیو قطع ایده جکی عملردن برینی ایشلر سه نمازی فاسد اولور .

﴿ نمازی افساد ایدن شیلر ﴾

ودخی نمازده شروعدن اول نخود قدر اغزنده بولنان نسنه بی نمازده یو تمغله یا خود اغزنده اریوب طاتلیسنی یو تمغله نماز فاسد اولور و عذر سنر غرض صحیحی یو غیکن او کسور سه نمازی فاسد او اور اکثر ناس بوکا مبتلادر .

﴿ مقیم و مسافر حقنده نمازک رکعتلری ﴾

ودخی اهل اسلام بیننده یقینا معلوم اولوب انکاری کفر اولان امور دندر . بش وقتده فرض اولان

نماز لوك ركعتلى صايى . ايمدى صباح نمازى نيك
 فرضى ايكي ركعتدر اويله نمازى نيك فرضى درت ركعتدر
 ايكندى نمازى نيك فرضى درت ركعتدر اخشام نمازى نيك
 فرضى اوج ركعتدر ياتسو نمازى نيك فرضى درت
 ركعتدر مسافر اولان كيمسه حقهده اويله وايكندى
 وياتسو نمازلى نيك فرضلى ايكيشر ركعتدر ايمدى
 مسافر اولان كيمسه بوذ كر اولسان نماز لوده ايكنجى
 ركعتك باشنده قعدن صكره سلام و برميوب درت
 ركعتى تمام ايلسه نمازنى صحيح اولور ولكن سلامى
 تاخير و فرضه نافله قاتمغين نافله نك افتتاح تكبيرى
 ترك ايتكله كراحت تحريره ايله مكر و هدر و اكر ايكنجى
 ركعتك باشنده اوتور ميوب درت ركعتى تمام قلسه نمازى
 صحيح اولماز اما مسافر اولان كيمسه وقتك ايچنده مقيمه
 اقتداسى صحيح اولوب درت ركعتى تمام قيلار .

﴿ بش وقتك سنترى ﴾

ودخى بش وقتده سنتر واردر صباح نمازى نيك فرضندن
 مقدم ايكي ركعت سنت مؤكدهدر جماعته فرضه
 شروعلندن صكره كلد كده امامه بر ركعتده ايريشه جكنى
 عقلى كسر سه ترك ايتيوب بر كنارده صفه خل
 و برميهرك ادسى سنتر بو قدرجه دخى ايريشه جكنى
 عقلى كسمز سه ترك ايدوب امامه اقتدا ايدر فرضندن صكره

قضا اول نماز اما فرضی مضایه قالد بی کون
 او یله به قدر فرضیه بیه قضا اولور .
 ودخی او یله نماز یازینک فرضندن اول درت رکعت سنت
 مؤ کده در حاضر بجاعت بولوب فرضه شروع اتمکله
 ساقط اولماز قرضدن صکره قضا اولور و او یله نیک
 فرضندن صکره ایکی رکعت سنت مؤ کده در و ایکنه نیک
 فرضندن اول درت رکعت سنتدر فرضندن صکره قلمناز
 و اخشامک فرضندن صکره ایکی رکعت سنت مؤ کده در
 و یاتسونک فرضندن اول درت رکعت سنتدر
 و قرضندن صکره ایکی رکعت سنت مؤ کده در . ودخی
 بوسنتلری حق اعتقاد ایدهرک ترک ایلسه کناهکار
 اولور و شفاعته نائل اولماز و اگر حق اعتقاد ایتوب
 استخفاف ایتسه کافر اولور . ودخی مسافر اولان
 کیمسه بش وقتده ذکر اولان سنت مؤ کده لری امنیت
 و وسعت حالنده قیلوب خوف و یا مضایقه حالده
 ترک ایدر .

﴿ صلات وتر ﴾

ورتی یاتسونک صوک سنتدن صکره صلات وتر نیتیه
 اوج رکعت قیلق واجبدر قعدۀ اولادن اوچنجی
 رکعتیه قالقد قده قانجه و ضم سورهدن صکره افتتاح
 تکبیری کی تکبیر الوب قنوت وتر ایچون اخفا ایله

ادعیه مانورهدن بردعا اوقومى واجبر ولکن سنت
اولان بودعاى اوقومقدر (اللهم انا نستعینک ونستغفرک
ونستهدیک ونؤمن بک ونتوب الیک ونتوکل علیک
ونتثنی علیک الخیر کله نشاکرک ولا نکفرک ونخلع وبتک
من یفجک . اللهم ایاک نعبد ویاک نصلى ونسجد و الیک
نسعی ونخفد نرجو رحمتک ونخشی عذابک ان عذابک
بالکفار ملحق) یونى کوزجله اوقومغه قادر دکل ایسه
اوج کره (اللهم اغفرلى ديه یاخود) ربنا اتنا
فی الدنيا حسنة وفى الآخرة حسنة وقا عذاب النار
دیوب رکوع ایدر

قوت دعاسنى سهو ایتسه

ودخی قوتى سهو ایدور رکوعه کیتماکه سجده
سهو لازم اولور رکوعده قوت جاطرینه کلسه
رکوعه اوقومن وقوت ایچون کیرر قیامه دونمز
ولکن دوندیکی صورتده نماز فاسد اولمار رکوعی اعاده
ایتسون کک ایتسون امام صلات وترده امام قوتی
سهو ایدوب رکوعه کتد . جهامت متابعت ایتماک
لازم ایکن . متابعت ایتماکریلا کرو قیامه دونمز قوتی
اوقودون صکره رکوعنده جهامت متابعت ایتدکارنده
جهامتک نمازلری فاسد اولور زیرا امام ایتداکی
ایلدیکی رکوعیه فرضی ادا ایتد یکندن ایکنجی

ر کوعی نافله اولوب جاعتک رکوعی هنوز ادا اولدیغندن
فرض اولغله اقتدارلی صحیح اولماز بومسئله دن اکثر ناس
غافلدر حالبوکه رمضان شریفده وقوعی کنیردر .

❖ صلات التراويح ❖

ودخی رمضان شریفده هر کجه یاتسونک فرضندن
صکره ار ککله و خاتونلره یکریمی رکعت تراویح نمازی
سنت مؤکده در بوندن سلف صالحیندن معروف اولان
هرایکی رکعت باشنده سلام و ربوب و هر درت رکعت
باشنده درت رکعت مقدار اوتور مقدر تمام اولدقدن
صکره بوکا تبعیله ایچق رمضان شریفده صلات وتر
دخی جاعتله ادا اولنور .

❖ احکام جاعت ❖

ودخی معلوم اوله که فرائضه ارکات حقنده جاعت سنت
مؤکده در یالکز قیلکه نک اوزرینه یکریمی یدی قات فضیلتی
واردر ولکن شعار اسلامدن اولدیغندن مسجدک
فضیلتی زیاده در تراویح دخی بویه در .

ایمدی عاقل و بالغ و حرا اولوب اولوب جاعت قدرتی و ارایکن
عذر سز ترک جاعت ایتک عادت اولسه تعزیر و شهادتی
رد اولنور و قوم مشولری دخی سکوت ایدوب خبر
ویرما ملر یله کناهکار اولورلر .

﴿ امام علم و فراشته کامل اولی ﴾

ودخی امام اولان کسسه نمازک صحت و فسادینه عالم اولوب
و قرآن عظیم الشانی قراشته و حرفلرک مخارج
وصفاتده مشایخ معتبردن اخذ ایتمک کر کدر ایدی
جاعتله نماز قلنق مراد اولنوب اقامت اولنورده
(حی علی الصلاة) دینور کن جماعت ایاغه قالمق
مستحدر مکر امام محرابه کیدر کن اوکارندن بجه
بوصورته امامی کورن ایاغه قالمق مستحدر امامه
اقتدا ایدن یالکز ایسه امامک صاغه برابر طورر
صولنه یآردینه طورمسی مکروه سایکی یاز یاده
اولور ایسه اردینه طوررلر یاننه طورملری مکروهدر
وامام اولان کسسه جماعتک صفلمرینی دوز قیلوب
و کد کلرینی طولدیرملریله امر ایتمک کر کدر وابتدای
صفک فضیلتی زیادهدر (قد قامت الصلوة) دینور کن
نمازه باشلانق مستحدر و امام افتتاح تکبیرنده جماعت
ایشیده جک قدر جهر ایتمک سنندر • سائر اتفاقات
تکبیرلری و تسمیع و سلام دخی بویلهدر •

﴿ مؤذن: جهرا تکبیر الیه ﴾

امامک تکبیری کفایت ایتد کده مؤذن جهرا تکبیر
ایتمک لازم دکل ایکن ایسه ضرر یوقدر لکن زیاده و
چاغرسه اساعت ایتیش اولور و صناعت نغمه اظهاری

ایچون تھریکات نغمۃ اشتغال ایدر سه نمازی فاسد
اولور واکر امامک تکبیری کفایت ایتیوب مؤذک
تبلغنه محتاج اولسه تغیر و تلحین و صبحه ایتیورک مجرد
صوت اعلا ایله تبلیغ ایدر .

﴿ فرضه یاسنته باشلادقندن صکره اقامت اولسه ﴾

ودخی جاعتله فرضه باشلانمزدن اولجه بر کیمسه اول
فرضه یالکز باشلامش اولسه ابتداکی رکعتک
سجده سنه وارمدقچه ایاقده اوله رق بر طرفه سیلامله
نمازدن چیقوب اول امامه اقتدا ایدر واکر ابتداکی
رکعتک سجده سنه واردیسه قلنان فرض درت رکعت
اولدیغی صورته ایکی رکعت باشنده تشهددن صکره
سلام و یروب اقتدا ایدر واکر اوچنجی رکعتک
سجده سنی ایتدیسه نمازی تمام ایدوب قلنگان نماز
ایکندینک فرضی اولیوب بلکه اوله نکه یاخود
یاتسه نکه فرضی ایسه نافله اوله رق اقتدا و جاعت
ثوابی کسب ایدر و صبح و اخشام نمازلرنده ایکنجی
رکعتک سجده سنه وارمدقچه بوزوب امامه اقتدا ایدر
واکر ایکنجی رکعتک سجده سنه واردیسه بوزمیوب
تمام ایدر و بونلرده وایکندیده نافله اوله رق اقتدا
ایتمز .

ودخی جاعتله فرضه باشلانمزدن اولجه سنته باشلامش

اولسه سَنَكِي بوزمق اولماز بلكه قبلديني ركعتي تك
براقيوب چفت ايتكد نصكره تشهد ايدوب سلام
وبرمك لازمدر .

✽ امامه افتتاح تكبيرينه ايريشه مسه ✽

تودخي معلوم اوله كه امامنه افتتاح تكبيرنده ايراشن
كيسه سَجَاكِي اوقومق سَنَدَرِ امامه افتتاح تكبيرنده
ايريشه ميان كيسه امامي قيامده بولدقده امام جهر ايله
قرائت ايتديكي صورتده افتتاح تكبيريني الوب ينه
سَجَاكِي اوقومق سَنَدَرِ جهر ايله قرائت ايتديكي
صورتده سَجَاكِي اوقومق امامك قرائتي دكله مك
لارمدر، امامي ركوعده بولدقده سَجَاكِي
اوقوبوب و امامه ركوعده ايرشمه سني عقلي كسرده
سَجَاكِي اوقور ركوعه ايريشه سَكِنِي عقلي كسر
ايسه سَجَاكِي ترك ايدوب ركوعه كيدر سجده
اولي ده دخي بويله عقليه عمل ايدر اما امامي سجده
ثانيده بولدقده افتتاح تكبيريني الدقن صكره اكلتوبوب
سجديه كيدر . .

✽ امامه ايريشه مديكي ركعتلري قضا ✽

وخى معلوم اوله كه ركوعدن برجزده ايريشه مين
كيسه اول ركعتده ايرشمس اولماز هر قاچ ركعتده
ايريشه مديسه امام سلام ويردكن صكره قالفار قيلار

بر یابی رکعتی ایشه مدیکی تقدیرجه فاتحه وضم
سوره واجددر اوج رکعتی ایشه مدیکی صورته
فاتحه وضم سوره ایه بررکعت قیلوب اوتورر انجق
التحیات بی آخرینه دك اوقویوب قالفارینه فاتحه وضم
سوره ایه بررکعت دخی قیلدقدن صکره آخر رکعتی
یالکز فاتحه ایه اکتفا ایدوب قعدة اخیرده التحیات
وصلوات وادعیة مأنورهدن بردعادن صکره سلام
و برر بویالکز قیلدیغی مقدارک ایچنده سجدة سهو
ایحساب ایدن برشی واقع اولورسه سجدة سهو لازم
کلور .

﴿ رکنلرده امامه متابعت ﴾

ودخی معلوم اوله که نمازک رکنلرندن قرائندن ماعداده
جاعت امامه تابع اولوب امام ایه بیله ایشک لازمدر
رکوع و سجودده امامدن اول قالفمبوب و امامدن
بر تسبیح زیاده کیرویه قالمیه قنوت دعاسنده دخی امام
اول تمام ایدوب رکوعه کیتسه جعاعته قنوت دعاسنی
تمام ایتک لازم اولمبوب امام ایه رکوعه کیتک لازم
اولور نمازک ایچنده اولان سائر اذکار و تسبیحات
جمله سنی بویله امامه متابعت مانع اویله جق مرتبه
ایشلوب امامدن ایرلیسه انجق قعدة اولیده و قعدة

اخیره ده تشهدی تمام اتقد بکجه متابعت ایتقه ولکن متابعت
ایتسه خاژدر .

﴿ امام بش شیء ایشلسه جاعت دخی ایشلز ﴾
ودخی بش شیء امام ایشلسه جاعت دخی ایشلز ۱ قنوت
دعاسی ۲ بیرام نمازینک تکبیرلری ۳ قعدۀ اولی ۴ سجده
تلاوت ۵ سجده سهو .

﴿ درت شیء امام ایشلسه جاعت ایشلز ﴾
ودخی درت شیء امام ایشلسه جاعت دخی ایشلز ۱ زیاده
سجده ایلسه ۲ بیرام نمازینک تکبیرلرنده روایتدن زیاده ایلسه -
۳ جنازه نمازنده درت نکیردن زیاده ایلسه ۴ سهوا بشنجی
رکعتہ قالفسه - ۱ کردردنجی رکعتک باشنده اوتوردی ایسه
جاعت قالفمیبوب اوتوردقلمری حالده منظر اولورلر امام
کیرویه عودت ایدر ایسه امام ایلہ سلام ویررلر کیرویه
عودت ایتیبوب تاسجده یه واررسه جاعت یالکز باشلرینه
سلام ویررلر واکر امام دردنجی رکعتک باشنده اوتورمدن
قالفسه جاعت ینه قالفمز لر ولکن امام بشنجی رکعتی یالکز
قیلوب تاسجده یه واردقده جله سنک نمازی فاسد اولور
﴿ صوکه سنت قلندجق محل ﴾ .

ودخی امام صوکه سنتہ قالدقده فرض قیلدیغی محلی
دکشدرمک سنتدر اما مقتدی یاخود یالکز قیلانک

دکشدیر مبری اولادر و فرض ادا اولندقد نصکره صفی
بوز مق مستحبد .

﴿ نمازدن صکره امام جاعته یونلک ﴾

ودخی نماز تکمیلنده امام جاعته یونلک سنتدر جاعته
ایکی کیمسه اولورسه ده مکر امامه قارشو نماز فیلان
بوله بوصورته صاغده یاصولده دونه .

﴿ استغفار و آیه الکرسی و تسبیحات و دعا ﴾

ودخی نمازدن صکره اوج کره استغفار ایدوب و آیه
الکرسی و معبودتینی او قویوب و اونوز اوج کره
(سبحان الله) و اونوز اوج کره (الحمد لله) و اونوز اوج کره
(الله اکبر) و بر کره (لا اله الا الله وحده لا شریک له الملك
وله الحمد وهو عنی کل شیء قبر) دیوب الارینی کو کسی
مقابله دنه قالدیروب و ار الری اچیق اوله رق سمایه طوغری
آچوب دما و ختامده (سبحان رب العزة عما یصفون
و سلام علی المرسلین و الحمد لله رب العالمین) دیمک مستحبد و دعا
دنص زره الیه بوزینی مسح ایلک سنتدر

﴿ باب الجمعة ﴾

ودخی معلوم اوله که جمعه کونی ایله وقتنده فرض
اولان امام اعظم و امام ابی یوسف عندلرنده سائر
کونلر کبی او یله نمازیدر لکن جمعه نمازینی ادا ایله

اول به نمازینی ذمتدن دوشورمه لازمدر و امام محمد حنندنه
فرض اولان جمعه نمازیدر لکن اه یله نمازینک صحیحله حکمه
رخصت وارددر خلاصه کلام جمعه کونی جمعه نمازی فرض
عین اولوب و اول به نمازندن اقوادر فصیلتی حقنده وارد
اولان آئاردن بری امام مسلم رحمه الله ابوهریره رضی الله
تعالی عنهن روایت ایدرکه ﴿ من توضأ فاحسن الوضوء
ثم اتى الجمعة فاستمع وانصت غفرله ما بينه وبين الجمعة الاخرى
وزيارة ثلثة ايام ﴾ یعنی برکیمسه جمعه کونی سنت اوزره
آبدست الوب صکره جمعه نمازینی ادایه کلوب خطبه یه قولاق
طوتوب دیکله سه و اتاسنده اسملا تکلم ایتسه اولدیغی جمعه
ایله جمعه آخری اراسک و اوج کون دخی زیاده نک کناهلرینک
مغفرت اولنمسه سبب اولور و عذر سز ترکی حقنده بولک
مضرترلر اولدیغی افاده ایدن حدیث شریفلردن بریسی
امام طبرانی جامع کبیرنده اسامة بن زید رض الله عنهن
روایت ایدرکه ﴿ من ترك ثلث جمعات من غیر عذر کتب
من المنافقین ﴾ یعنی برکسنه عذر سز اوج جمعه نمازینی بری
بری اردنجه ترك ایلسه منافقین زمره سندن یازیلور .

﴿ جمعه نک صحتنک شرطلری ﴾

ایمدی جمعه نمازی عبادت مهمه دن وشعائر اسلامدن

اولغله مؤمن اولنلر اوزرینه اولاشرطلرینی بیلک صکره
هر جمعه کوتی اداسنه سعی و اهتمام ائتمک لازمدر بش وقت
نمازک شرطلرندن ماعدا صحیحون الی شرطی واردر
(اولکیسی) شول بلدهده قلمقدرکه اها لیسندن جمعه نمازینی
ادا ایله مکلف اولنلره جامع کیری وفا ایتمه یومللی بلدهده
مصر تعبیر اولنور (ایکنجیسی) بادشاه اسلام حضرتلری
یا خود طرف عالیرندن جمعه نمازینی اقامتله مأمور کیسه
بولمق (او چنجیسی) او یله نمازینک وقتندن اخراج اولنماق
(درنجیسی) وقت مزبورک ایچنده نمازدن اول جماعت
حاضر اوله رق خطبه او قونمق (بشنجیسی) امامدن ماعدا
جماعت او ج ار کیسه دن نقصان اولماق (النجیسی) ادا
اولندبغی محله اذن عام اولوب کیسه منع اولنماق اما بعض
بلدهده اها لیس بلاماع جامعلر بنه مجتمع اولدقلرند نصکره
اول بلده بی محیط اولان سورک قیولرینی امیر بلده انجق
خوف عدودن ناشی قیامتسی مانع دکلدرد .

﴿ جمعه نك فرضيتك شرطلری ﴾

بو ذکر اولنسان اتی شرطله جمعه نمازینک اداسی صحیح
اولوب و او یله نمازینی اسقاط ایدرسه ده فرضیتی
یدی شرط دخی توقق ایدر (اولکیسی) مصر

بر اولنان بلده ده اقامت اوزره اولمق (ایکنجیسی) صحیح
 جود اولوب مرض وضعفی اولماق (اوچنجیسی) حر
 لوب کیمسه نك کوله سی اولماق (درنجیسی) ارککلکی
 قق اولمق (بشنجیسی) کوزی کوروب اعی اولماق
 انتجیسی) یوریمکه قادراولوب کوتورم^۱ ویا ایاقسزاولماق
 یدنجیسی) شدید یغمور ویا برشیدن قورقو ویا یونلر مثللی
 ازه مانع برعذر اولماق . ودخی بو ذکر اولنان شرطلر
 اما بولندقده بولندقده برکیمسه جمعه کونی جمعه نمازی قیلنمدن
 ییله نمازینی قیلسی کراحت تحریمیه ایله مکروهدر . جمعه
 ازی قیلنان بلده ده جمعه کونی معذور ویا محبوس ویا مسافر
 لان کیمسه لرك او ییله نمازینی جااعته ادا لری کراحت تحریمیه
 له مکروهدر . بوندن صکره . عاوم اوله که ذکر اولنان
 رائطی مستجمع اولان کسنه جمعه کونی اذان اول ایشتنده
 رنه ایله مشغول ایسه ترك ایدوب جمعه یه کیتک
 اجبدر جامعه وارد قدّه تلاوت قرآن اولنورسه
 کلیوب اولنمازسه خطیب منبره چقمیدن جمعه نك
 منی نیتیه درت رکعت قیلار سنت مؤکده دراکر
 تنای صلاتده خطیب منبره چبقارسه قراشده تخفیف

اولفله مؤمن اولنلر اوزرینه اولاشرطلرینی بیلک صکره
هرجعه کوتی ادا سنه سعی و اهتمام ایتک لازمدر بش وقت
نمازک شرطلرندن ماعدا صحیحچون التی شرطی واردر
(اولکیسی) شول بلده ده قلمقدرکه اها لیسندن جعه نمازینی
ادا ایله مکلف اولنلره جامع کبری وفا یمیه یومللی بلده یه
مصر تعبیر اولنور (ایکنجیسی) پادشاه اسلام حضرتلری
یا خود طرف عالیرندن جعه نمازینی اقامتله مأمور کیسه
بولنق (او چنجیسی) او یله نمازینک وقتندن اخراج اولنماق
(در دنجیسی) وقت مزبورک ایچنده نمازدن اول جماعت
حاضر اوله رق خطبه او قونق (بشنجیسی) امامدن ماعدا
جماعت اوجار کیسه دن نقصان اولماق (التنجیسی) ادا
اولندبغی محله اذن عام اولوب کیسه منع اولنماق اما بعض
بلده ده اها لیبی بلا مانع جامعلر بنه مجتمع اولدقلرند نصکره
اول بلده یی محیط اولان سورک قیولرینی امیر بلده انجق
خوف عدودن ناشی قیاتمی مانع دکلدور .

﴿ جعه نك فرضيتك شرطلری ﴾

بو ذکر اولنسان اتی شرطله جعه نمازینک اداسی صحیح
اولوب و او یله نمازینی اسقاط ایدرسه ده فرضیتی
یدی شرط دخی توقق ایدر (اولکیسی) مصر

تعبیر اولنان بلده ده اقامت اوزره اولمق (ایکنجیسی) صحیح
 الوجود اولوب مرض وضعفی اولماق (اوچنجیسی) حر
 اولوب کیسه نك کوله سی اولماق (درنجیسی) ارککلکی
 محقق اولمق (بشنجیسی) کوزی کوروب اعی اولماق
 (التنجیسی) یوریمکه قادرا اولوب کوتورم ۱۱ ویا ایاقسزا اولماق
 (بدنجیسی) شدید غم ورویا برشیدن قورقو ویا یونلر منلی
 نمازه مانع برعذر اولماق . ودخی بو ذکر اولنان شرطلر
 تماما بولندقدہ بولندقدہ برکیسه جمعه کونی جمعه نمازی قیلنمدن
 اویله نمازینی قیلسی کراحت تحریمه ایله مکروهدر . جمعه
 نمازی قیلنان بلده ده جمعه کونی معذور ویا محبوس ویا مسافر
 اولان کیسه لک اویله نمازینی جاعتاه ادا لری کراحت تحریمه
 ایله مکروهدر . بوندن صکره معاوم اوله که ذکر اولنان
 شرائطی مستجمع اولان کسنه جمعه کونی اذان اول ایشتنده
 هر نه ایله مشغول ایسه ترک ایدوب جمعه یه کیتنک
 واجبدر جامعه واردقدہ تلاوت قرآن اوانورسه
 دکلیوب اولنمازسه خطیب منبره چقمیدن جمعه نك
 سنتی نیتیه درت رکعت قیلار سنت مؤکده دراکر
 اتای صلاتده خطیب منبره چقفارسه قراشنده تخفیف

ایستوب اقصر سوره ایله تکمیل ایدر جامعه وارد قدّه خطیب
منبره چیقمش ایسه ضرورت اولدقجه ناسک جسدینه
ویالبا سنه با صه رق ایلرویه یکمیبوب همان بولدبغی محله
اوتوروب سنت قیلغه دخی شروع ایتیه و صکره خطبه او ائرنده
دخی قیلّه بلکه جمعه نك فرضی قلبدقن صکره قضا ایده
خلاصه کلام خطیب منبره چیققدن صکره خطبه قارشو
ویریلان اذاندن غیری برشی مشروع دکدر نهی اولنمی
لازم اولان برمکر کوریلور ایسه لسانله نهی اولنمیوب
اشارتله نهی اولنمی کرکدر خطبه تمام اولدقن صکره اقامت
اولوب جمعه نك فرضی نیتیه جاغتله ایکی رکعت ادا اولنور.

﴿ جمعه دن صکره قلدا تمارلر ﴾

صکره جمعه نك صوك سنتی نیتیه درت رکعت سنت مؤکددر
بوندن صکره دخی حالا اداسی میسر اولمیسوب اوزر مده
ثابت اولا آخر ظهر نیتیه نیت ایدم دیهرک هر رکعتده فاتحه
و ضم سوره ایله درت رکعت قیلقی اولادر اگر جمعه نمازی
صحیح اولدیه او کونک او یله نمازی حالا اوزرنده ثابت
اولان آخر ظهر اولغین نیت مزبوره ایله قلنان درت رکعت
او کونک او یله نمازی اولمش اولور و اگر جمعه نمازی
صحیح اولدیه نیت مزبوره ایله قیلنان درت رکعتله

سابقه اوزرینه قضاسی لازم اولان اویله نمازی وارایسه
انی قیلش اولور یوغیسه نافله قیلش اولور بوندنصره
دخی وقت سنتی نیتله ایکی رکعت اولادر اشبو ترتیب
اوزره حلبی تصریح ایتشدیر اما صاحب درر متذکره آخر
ظهر نیتله قیلنان درت رکعتی جمعه نیک صلوک سنتی اوزرینه
تقدیم ایتشدیر بوو جهاه قنغیسی تقدیم اولنسه جائز اولور.
ودخی جمعه نمازینک هر نه مقدارینه ایر بشر ایسه اقتدا
وامامه متابعت ایدوب امام سلام ویردکدنصره قلقوب
فوت اولانی قیلدقدده جمعه بی قیلش اولور حتی امامه
تشهدده یا سجدده سهوده ایر یشسه ده بویه در. ودخی جمعه
کونی خطیبک جلوسندن نماز تمامه دک دعا قبول اولدیغی
اثرده وارد اولمشدر غفلت اولنیه .

﴿ باب العیدین ﴾

ودخی . علوم اوله که رمضان وقر بان بیراملرنده بیرام
نمازی واجبدیر خطبه دن ماعدا جمعه نمازینک صحته
وفرضیتده ذکر اولنان شرطلر بیرام نمازلرینک
صحته ووجوبنده معتبردر بیرام نمازلرندن صکره
خطبه سنندر رمضان بیرامنده نمازه چیقمازدن مقیم بر
طائونسنه یمک ومسوا کلکمک وغسل ایتک وراحه طیه لی

نسنه استعمال ایتمک و کوزل لباسنی کیمک اند نصکره
 خفیجه تکبیر الهرق نمازه یورویه رک کیمک مستحبد
 جامعه واردقده تکبیر و تهلیل ایله مشغول اولوب
 وقتا که کونش طو غوب ایکی مزراق ارتقاعیله وقت
 کراحت چیقده قدن صکره اذان واقامتسز بیرام نمازی
 نیتیه امام افتتاح تکبیرینی الوب نمازه شروع ابتدکده
 ناس دخی افتدا و تکبیرینی الوب الیرینی سائر نمازلرده کی
 وجه اوزره باغلا یوب سبحانک او قودقدن صکره امام
 الیرینی قالد یروب جماعت دخی متابعت ایدر تکبیر
 الدقدن صکره الیرینی یانلرینه صالی وریر لرلر اوج
 تسبیح قدر اکلنوب ینه الیرینی قالد یروب تکبیر الوب
 یانلرینه قدر صالی وریر لرلر اوج تسبیح قدر اکلنوب ینه الیرینی
 قالد یروب تکبیر الدقلرنده یانلرینه صالی ویرمدن باغلر لر
 امام خفیجه اعوذ بسم الله ایله جهرا فاتحه و اوج آیت
 مقداری قرائت ابتدکده نصکره رکوع و سجود اولنوب
 قیامه قالدقدده فاتحه و ضم سوره عقبنده اسلوب سابق
 اوزره اوج دفعه تکبیر آلوب اوچنده ده الیرینی یانلرینه
 صالی وریر لرلر در دنجی ده الیرینی قالددر مقسزین تکبیر
 الهرق رکوعه انتقال ایدر لرلر . ایمدی سائر نمازلرک
 تکبیرلرندن زیاده اولهرق بیرام نمازیه مخصوص اولان
 تکبیرلر انشدر اوجی رکعت اولی ده قرائتن اول اوجی

دخی رکعت ثانیہ ده قراشدن صکر التیسیدہ واجبدر
ایکجی رکعتک رکوع تکبیری دخی واجب اولان تکبیرلره
اتصالی سبیلہ واجبدر قالدیکه افتتاح وانتقالات
تکبیرلری سائر نمازلرده اولدیفی کیدرنه کیم ماسبقده
بیان اولندی اما مؤذنلرک بیرام نمازینہ شروع ائنا سنده
طقوز تکبیرایله ایکی رکعت بیرام نمازینہ نیت ایدک او یون امامه
دیمه لرندن عوام ناس بیرام نمازینہ مخصوص اوله رق
طقوز تکبیر اولقی ظن ایتملریله اشتباهه سبب اولدیغندن
انک یرینه بیرام نمازینہ نیت ایدک او یون امامه دیمک
کرکدر .

﴿ بیرام نمازنده امام تکبیری اونوتسه ﴾

ودخی امام رکعت اولی ده بیرام تکبیرلرینی اونودوب
فاتحه تمام اولدن یا تمامندن صکره خاطرنه کلسه
تکبیرلری الوب سوره فاتحه بی اعاده ایدر و اگر فاتحه
و ضم سوره دن صکره خاطرنه کلسه تکبیرلری الوب
قرائتی اعاده ایتمز و اگر رکوعده خاطرنه کلسه تکبیرلر
ایچون قیامه عودت ایتوب الربی قالدر میسه رق
تکبیرلری رکوعده ایدر و اگر رکوعدن قالقدن صکره
خاطرنه کلسه تکبیرلرک محلی فوت اولمغله تکبیرلر فوت
اولور . ایمندی واجب اولان تکبیرلر دن برینی
یاخود هپسینی سهواً ترک ایلسه سجده سهو لازم

اولور لکن جمعه و بیرام نماز لرنده متأخرون سجده سهو
ترك اولمغی اختیار ابتدا کبری در المختارده تصریح
اولمشدر .

(بیرام نمازینه صکره دن اقتدا ایتسه)

ودخی امام بیرام نمازینک تکبیر لوبینی ایدوب قرائتی
اننا سنده اقتدا ایدن کیمسه افتتاح تکبیر ندن صکره
فی الحال بیرام نمازینک تکبیر لوبینی ایدر واکر ماهه
رکوعده ایشرسه قیامده تکبیر لوبی ایدوب ورکوعده
ایریشه جنی عقلی کسد کده بیرام تکبیر لوبینی قیامده
ایدوب صکره رکوعه کیدر واکر رکوعک فوتندن
خوف ایدر سه افتتاح تکبیر ندن صکره رکوعه کیدوب
امام رکوعدن قائمندن بیرام تکبیر لوبینی المارینی
قالدیر میه رق رکوعده ایدر بیرام تکبیر لوبین تمام ایتندن
امام رکوعدن قالقسه امامه متابعت ایتک لازم اولوب
باقی قلان تکبیر لوبی ساقط اولور وودخی رکعت اولی بی
ایریشه سه امام سلام وپردکدن صکره رکعت اولی به
قضاده ابتدا قرائت ایدوب صکره تکبیر لوبی ایدر .

ودخی ایکنجی رکعتک رکوعنده ایریشسه تکبیر
خصوصی رکعت اولی نک رکوعنده ایریشدیکی
صورتده بیان اولسان وجه اوزره درواکر ایکنجی
رکعتک سجدلرنده یا تشهدنده ایریشسه ینه اقتدا ایدوب

امام سلام ویر دکن صکره قلقوب بیرام نمازینی هیئت معلو سه سی اوزره یالکزجه قضا ایدر قربان بیرامی نمازی دخی بو تفصیل اوزره در انجق قربان بیرامنده نمازدن اول برشی یمبوب و یولده تکبیری ده جهر ایدر .

﴿ قوربان میرامنده یکریمی اوج وقت تکبیر ﴾

ودخی قربان میرامنده عرفه کونی صباح نمازدن بیرامک دردنجی کونی ایکندی نمازیه دکن یکریمی اوج وقت فرضلردن سلام عقببنده برکرم تکبیر تشریق واجبدر صورتی بودرکه ﴿ الله اکبر الله اکبر لا اله الا الله والله ابر الله اکبر والله الحمد ﴾ یعنی ایکی تکبیر صکره بر تهلیل صکره ینه ایکی تکبیر ایله حد ودخی بو یکریمی اوج وقت فرضلردن وقتبنده ادا او انبوب قضا اولندیغی تقدیرده اول سنه او کونلرده قضا اولنورسه ینه تکبیر واجبدر ودخی سلام ایله تکبیرک اراسنده یمک و ایچمک و سوز سونلک و نماز قلندی نی . کانه چیقمق و قصدا حدث اتمک تکبیره مانعدر اما قصد سز حدث و فوعی ضرر ایتمز .

﴿ باب الجنازه ﴾

بر کیمسه ده علامات موت ظهوره کلوب حالت تر عنده ایاقلری قبله یه کله رک ارقه سی اوزره یاتریلوب باشی الته بر شی قونر غرغه مرتبه سنه کلد کجه اراقده

تکلیف اولنجه رق کلمه شهادت ذکر اولنورکه آخر کلامی
 اول کلمه منجیه اوله و یاننده سوره یس و سوره رعد
 تلاوت اولنقی مستحبدر وفات کینده چرکین اولما مق
 ایچون چکه سی باغلوب و کوز لری یوملوب والری
 و ایاقلری اوزا دیلوب و اوزرنده اولان لباسی صویلوب
 و غسل اولنجه به قدر یاننده تلاوت قرآن اولنماز
 بوندن صکره غسلی مراد اولندقدن جنازه غسلچون
 حاضر اولان تحته نك اطرافی اوج یابش یابدی صکره
 توتسولند کد نصکره جنازه نك عورت یری ستر اولنه رق
 اوزرینه یاتیر یلوب عورت یری تطهیر اقتضا ایدر
 ایسه غسل ایدن کیسه الینه بر بز صاروب ستر بزینک
 التدن تطهیر ایده ساده الیه یاشمایه صکره آبدست
 و یروب مضمضه و استنشاق ایدرمن و لکن طوداقلرینی
 و بورنی دلکیرینی الینه بر بز صاروب تطهیر ایدر صکره
 باشی و صقالی صابون یا صابون مقامنه قائم اولان برشی
 ایله یقانور برشی بولنماز ایسه ساده سیحاق صوایله
 یقانور صکره جنازه صول یاتنه یاتیر یلوب صاغ یانی
 اوح کره یقانور صکره صاغ یاتنه یاتیر یلوب صول
 یانی دخی اوج کره یقانور بوندن صکره اوتور در کبی
 قالدیر یلوب قارنی ملایمتله مسح اولور اگر نجاستدن
 برشی چیقارسه ازاله اولنوب آبدستی و غسلی اعاده

اول نماز بوندن صکره برشی ایله سیلتور . ودخی معلوم اوله که
 جنازه بی غسل حیاته اولان مکلنر اوزرینه فرضدر حتی
 جنازه بر اولو صوا یچنده بولنش کولسه ذمترلندن فرض ساقط
 اولیوب غسل بیتله صویک ایچنده اوج کره قلدا یمق لازمدر
 ودخی جنازه غسلچون صو بولنیوب یا آز اولوب حیاته
 اولنره لزومی اولان محله جنازه به تیمم ایدیریلور .

(تکفین جنازه)

تکفین جنازه ارلره سنت اولان کفن اوج قات اولمقدیر
 (اولکیسی) کوملکدر که اوموزندن یاغنه قدر اوله
 (ایکنجیسی) ازارددر (اوچنجیسی) لفافه کدر بوا یکیمی باشند
 یاغنه قدر اولوب جمیع اعضایی ستراید خاتونلره بوا وچندن
 بشقه باش اورتوسی و برده کو کسیرینه صارغی سندر و کفنه
 صارلمه نک صورتی اولالفاغه بر با کیره دوشنوب اورزینه کل
 صوی یار ایحه طیه لی برشی صاچیلوب انک اوستنه
 ازار دوشنوب بویله ایدیلور دخی اوستنه کوملک
 دوشنوب بویله ایلدکدن صکره اوج یابش یایدی کره
 توتسولنوب جنازه سیله جک ایله مستور اوله رق ایخنه
 وضع اولنوب اللری یانه کتوریلور سجده عضولرینه

یعنی الله و بورنه والرينه و ديزلرينه و اياقلارينه کافور
قونلور و باشنه و صفالنه جنازه ايچون عادت اولان رايحه
طيه لي شيدن استعمال اولنوب کوملکي اور يابوب التندن
سيله حک اولور صکره ازارک ابتدا صول جاني چکيلوب
صکره اغ جاني چکيلور لقا فادخي بو کيفيت اوزره دريولده
اچلق احتمالي اولور ايسه باش و اياق طرفلرندن باغلنور و دخی
کفن حصاره نك حياتنده جمعه و بيرام لباسنه کوره اولنوب
وياض اولق مستحبد

(صلات جنازه)

ودخی جنازه اوزرينه نماز فرض کفايه در بعض کيسه لرك
اداسيله ماعدادن ساقط اولور و دخی جنازه نمازنده جنازه نك
اسلامی و طهارتی تمام اعضاسی یا اکثر اعضاسی جنازه نمازینی
قیلنلرك اوکنده بر محله وضع اولنمی شرطدر وضعنك
صورت مسنونه سی جنازه نك باشی امامك صاغ جانبنه
کلکدر و امام جنازه نك و کسی مقابلنده طوروب
جماعت قدر آرایسه ده اوج صف اولق مستحبد
و آخر صفی افضلدر . و دخی جنازه نمازینك رکنی ایکیدر
اولکیسی قیام عذر سز او توره رق قیلتی جائز کلکدر
ایکنجیسی درت تکبیر انجق ابتدا سند ال قالد رمق

برای صاحب این کتاب

مکندر . ابدی جنازه نک ارکشی و یا خاتون اولدیغنی
 بلوب نیت ایندم الله ایچون نمازه شوار کشی ایچون
 دمایه یاشو خاتون ایچون دعایه دیه واکر جا عتدن
 بری جنازه نک ار یا عورت اولدیغنی بیه مسه امام هر
 کیمک اوزرینه قیلارسه اکا دعایه دیه صیانه دخی شو
 اوغلانچق ایچون یاشوقز جفزا ایچون دیکه و جنازه دعا سنده
 بونلر دن هر برنده اولی اولان تعبیره رعایت الملکدر
 نه کیم یقینه تنبیه اولور . ابدی افتتاح تکبیر ندن
 صکره (سبحانک اللهم وبحمدک وتبارک اسمک وتعالی
 جدک وجل ثناءک ولا اله غیرک) دیوب تکبیر آلوب
 نمازک آخرنده او قویان صلا تلری او قور اندن صکره
 تکبیر آلوب رحمت ومغفرته دائر دعا ایدر بو دعای
 او قومق اولدر (اللهم اغفر لینا ومیتنا وشاهدنا
 وعابنا وصغیرنا وکبیرنا وذکرنا واثاننا اللهم من احیته
 مناقحیه علی الاسلام ومن توفته منافتوفه علی الایمان
 وحص هذا المیت بالروح والراحه والمغفرة والرضوان
 اللهم ان کان محسنا فزد فی احسانه وان کان مسیئا
 فجبأوز عنه ولفه الامن والبشری والکرامة والزلانی
 برجتک یا ارحم الراحمین) واکر جنازه خاتون ایه
 دعاده بویه دیه (وخص هذه المیه بالروح والراحه
 والرحمة والمغفرة والرضوان اللهم ان کانت محسنة فزد

صاحب کتاب

فی احسانها وان كانت مسیئة قبحا وز عنها ولقها
 الا من والبشرى والكرامة والزانی برحمتك یا ارحم
 الراحمین) واكر جنازه صبي ايسه وخص دن اشاغیسنی
 او قوم موب برینه (اللهم اجعله لنا فرطا اللهم اجعله
 لنا اجرا وذخرا اللهم اجعله لنا شافعا ومشفعا) دیوب
 تكبیر الوب ایکی یانته سلام ویرر واکر جنازه صبییه قز
 ايسه (اللهم اجعلها لنا فرطا اللهم اجعلها لنا اجرا
 وذخر اللهم اجعلها لنا شافعا ومشفعا) دیه آمیدی
 تكبیر لر ارالونده ایدیلان بنا و صلوت ودعا سننددر
 وسلام مستحیدر ودخی جنازه نمازیک اولنده شروع
 ایده موب بعض تكبیراتی فوت ایدن کیمسه فی الحال افتتاح
 تكبیرینی الوب اقتداو باییده امامه متابعت ایدر امام سلام
 ویر دکن صکره جنازه اموزه رفع اولندن فوت اولان تكبیر
 لری بری بری آردنجه کندی سلام ویرمدن قضا ایدر در دجی
 تكبیر دنصکره سلامدن اول ایریشه ده بویله در ودخی
 طو غدیغی وقده حیاته علامت او اوب عقینده وفات
 ایدن صبیك فصل وتکفین ونمازی لازمدر اکر حیاته
 علامت اولسه نمازی قلنماز همان غسل اولنوب وآد
 ویرلدکنصکره پر استاره صاریلوب دفن اولور .

﴿ جنازه کتور مده سنت اولان ﴾

ودخی جنازه کتور مده سنت اولان جوانب

اربعة سندن درت نفر کیمسه کوتوروب و هر جانبدن اونز
آدیم کوتورمک مستحبدر حدیث شریفده وارد اولمشدرکه
بر کیمسه بر جنازه بی قرق آدیم کوتورسه قرق کناه کبیره سسک
مغفرته سیدر .

﴿ دفن جنازه ﴾

و دخی جنازه ایله قبره واریلوب یرمه قونلدقمه حاجت اولدقجه
جمله سی او توررتا قبر بر آدم بویی یا خود کو کسه قدر قازیلوب
جنازه ایچمه ایندرملک مراد اولنجه اقتضاسنه کوره بر قاح
کیمسه قبرک قبله طرفندن جیاره بی قبله بی متوجه اوله رق
ایندیروب و صاغ یاننه یاتر لر و دیر لر (بسم الله و بالله و علی
ملة رسول الله) و کفن باغلا نمش ایسه چوزیله و قبرک ایچنه
خاتون و کافر کیرمیه بو دیار کده یرک حاره تحمیلی اولدیغندن
تخته دزیلور صکره کندی طور اغیله اورتیلوب و اور کح
کبی قلنور و یقلا مغیچون اوزرینه صوسر پمکده بآس یوقدر
بوندر صکره جمله سی او توروب ایچلرندن بریسی کوزل
صوت ایله تجوید اوزره سورده یس و تبارک و اوان بر کره سورده
اخلاص و معودنین و فاتحه و سورده بقره نك اولن و آخر او قیوب
نوابنی جنازه نك روحنه اهدا و عفو و مغفرتنی رجایی متضمن دعا

وسائر لری دخی حضور قلبه آمین دیوب فاتحه دنصکره وداع
ایده لرو دخی کیده فوت اولوب قره اوزاق اولدقده غسل
وتکفین ونمازی قبلنوب دکره القا اولنور .

﴿ قبرده سؤال و تلقین ﴾

ودخی معلوم اوله که قبرده سؤال وجواب و زمیم و عذاب حقنده
آیات کریمه واحادیث شریفه اولعله اهل سنت و جماعت مذهبنده
قبرده سؤال حق اولدیغنی اعتقاد لازمدر و جزا و دَفَن اولوب
وجه محرر اوزره تلاوت قرآن ودعاه دنصکره بر صالح کیمسه
قالقوب جنازه نك یوزی مقابله سنده ایاق اوزره طوروب
جنازه نك اسمیله (یا فلان ابن فلان اذ کر ما کننت علیه وقل
رضیت بالله ربا و بالاسلام دینا و بمحمد علیه السلام نبیا) دیو
تلقین الیسی اهل سنت عندنده مشر و عدر

سجود

﴿ باب الشہید ﴾

ودخی معلوم اوله که رتبه شهادته مظهر وسعادت
عظمی ایله مبشر اولان زمره مکر میندن حکم دنیوی
خاص ایله یعنی غساننر نماز و حین شهادتنده
اوزرنده بولنوب کفن جنسنندن اولیان یعنی بموقلو
باشه کیلان نسنه و کورک و مست و خرقة مثالی

لباسی چبقاریلوب ماعداسی کفن مسنون عددندن یعنی
 اوج قاتدن اشغی ایسه اوچه ابلاغ اولنوب زیاده ایسه
 زیاده سی چبقاریلوب باقی کفن مسنون عددندن لباسی
 پرخو نلریله دفن اولنمغله اختصاص ایتمک شرعی طری
 اسلام و بکلوغ و غسلی ایجاب ایدن حد ثلردن طهارت
 و بغیر حق قتل اولنقی و قتل اولندیغندن ناشی مال لازم
 اولماق و یاره لندکدن صکره منافع حیاتدن برشی ایله
 انتفاع ایتمک . ایمدگی بو شروط او زره شهید
 اولنلر حکم مذکور ایله مخصوص صدرلر بو نلردن ما عدا
 شهدا نک انواع کثیره سی وارددر امام ^{سید} سیوطی
 تشبیت نام کتابنده اوتوزه ابلاغ ایتمشدر از جمله
 اعدای دینی قصد ایدرکن آلت جارحه سی کندویه
 اصابتله وفات ایدن و غرق اولان و یا آتشده یانان و دیار
 غریبده فوت اولان و عیله یو لنده فدای جان ایدنلر
 لکن بونلر سائر موتالر کبی غسل و تجهیز و تکفین
 اولنور لر بونلر ایچون ذکر اولسان حکم ذبیوی
 خاص یو قدر همان بونلر ثواب جزیل اخر وی ایله
 امتیاز و رتبه علیایا پرواز ایتمشدر و رفعنا الله تعالی
 لرتبتهم و حشرنا فی زممرتهم آمین

﴿ باب الزکات ﴾

معلوم اوله که قرآن کدریمده زکات صلاتک عقیده

نیمه محله ذکری اولنسی صلاتین صکره زکاتک اهم
فرائض اولد یغنه دلیل قطعیدر و پیغمبریمز صلی الله
علیه السلام حضرتلرینک وقت سعادتلرندن زکاتک
فرض عین اولدیغی تواتر ایله نقل اوله کلمشدر اسکار
ایدن کافر اولور و اوزرینه زکات فرض اولان کیمسه
تأخیریه کناهکار اولوب شهادتی رد اولنور . ایمدی
اهل اسلامدن حر مسلم و عاقل بالغ اولان کیمسه حاجت
اصلیه سندن یعنی لباس و اوینک طافی و بور جندن بشقه
الیش و ویرش ایله ارتمغه قابل نصاب مقداری مالی
اولوب و اوزرندن بر سنه یکد کده اول مالک قرق
جزوندن بر جزئی الله تعالی نک رضا سیچون فقیر مسئله
ویرمی فرزندر .

وَذَی نَصَاب التوندن سکهلی یا سکه سز یکر می منقالدیر
هر منقالی یکر می قراط اولق اوزره کومشدن ایکیوز
درهمدن هر درهمی اون درت قراط اوله رق و سائر
تجارت متاعلرندن یکر می مثقال سکهلی التون و یا خود
ایکیوز درهم سکهلی کومش قیمتلی متاعدر و خاتونلرک
زینتلرینه متعلق اولمعه استعماللری حلال اولان التون
و کومشدن حلایری نصابده معتبردیر . ایمدی یکر می
منقال التونک زکاتی یارم منقال و ایکیوز درهم کومشک
زکات بش درهم ابدیر و بونلردن بر یسیله قیمتی تقدیر

اوانان متاع تجارتده دخی بویه دگر و نصیبدن زیاده نك
 ز كاتی حسابیه بو قیاس او زره در ودخی نصیب
 جنس واحد اولقی لازم دكدر بلکه بر کیسه نك ملکنده
 بر مقدار التون بر مقدار کومش و بر مقدار متاع تجارت
 اولوب مجموعك قیمتی التون و یا کومش نصاب بلرندن برینه
 بالغ اولسه زکاتی لازم اولور ودخی اوی اولوب اوه
 محتاج اولان کسسه نصاب مقداری مالک اولدیغی التون
 و کومشی او آلق نیتله حفظ ایدوب اوآدن برسنه یکسه
 اول التون و کومش ایچون زکات لازم اولور ودخی
 التون یا کومش یا باقر مثلی معدن ایله اریدیلوب مخلوط
 اولد قده غالب اولور لرسکه خالصلری حکمنده درلر
 واکر برابر اولورلر ایسه احتیاطا خالصلری حکمنده
 اولوب قاضیخان و صاحب خلاصه زکاتک وجودینی
 اختیار ایتشلر در واکر قاریشان معدن بو نلره غالب
 اولور سه قیمتی اعتبار اولور صاتمق نیتی وار ایسه
 متاع تجارت اولوب زکاتی لازم اولور قوللانمق مراد
 ایدر سه زکاتی لازم اولماز سائر باقر طاقم حکمنده در
 ودخی نصابه مالک اولدیغی وقتک ایتداسنده و سنه
 تمامنده نصاب کالده اولقی شرطدر اراده کاهیجه
 اکسملک زکاتک وجوبنه مانع دكدر ودخی نصابه مالک

اولان كسنه اثنای سنه ده قزانوب ویا اسباب ملكدن
رسيله بدنده کی نصاب زیاده لددکده نصابك سه سی تمامبله
مجموعه عیجون زکات لازم اولور و دخی انجو و جواهر ده
زکات یوقدر مکر الوب صا نجیسی اوله او صورتله
سائر متاع تجارت کی قیمتی اعتباربله زکات لازم اولور
و دخی بهاسی نصابه بالغ اولان متاعده تجارت نیت
ایتمکله سنه سی تمامنده زکاتك لزومی اول متاعی صا تون
الدیغی صورتده در اما اول متاع میراب ویا تر لاسنده
حاصل اولسه تجارت نیت ایدوب اوزرندن بر سنه
کد کد نصرکه صا تقدیم بهاسك اوزرندن بر سنه
بکد بکه زکاتی لازم اولماز ولکن نصابه مالک اولان
کیمسه سه بکمدن بر سنه یا زیاده ایچون زکاتی حساب
ایدوب تقدیم و تعجیل ایتمک جائزدر و دخی معلوم اوله که
زکاتی کویررکن یا مالیدن آبررکن زکات یتیمی بولمق
لازمدر و زکاتی ویردیکی فقیر مسلم اخذ و قبضی تعقل ایتمک
شرطدر و اوصالت و فرعیت جهندن فرایتی اولما مق
لازمدر یعنی کس دینك باباسی با بؤك با مالری یا اناسی
یا بؤك انالری یا کیندینك اولادی یا اولادك اولادی
اولیه سائر اقرباسنه ویرهك جائزدر بلکه اقرباسنده
محتاج وار ایکن غیریه ویرهیه زوج و زوجه بری
برینه زکاتلرینی ویرهك جائز کلددر و کوله و جاریه سنه

و یرمک دخی جائز دکا دتر و غنی آدمک ولد صغیری
و کوله و جاریه سی بویه در .

♦ سادات کرامد رکات ♦

و سادات کرامه و آرادیلیریه دخی و یرمک جائز
اوله یغی جیع کتب معتبره ده ذکر اولوب نتیجه الفتاواده
دخی و تواسی قید اولمشدر .

ولان شرح آمارده سادات کرامه زکات و سائر صدقه
و یرمک جائز او دیر مام اعظمین روایت ایدوب
وامام طحوی بونی ختیار ایلدیکنی کهایه نام کتابده
وابس ملک و قایه شرحده و صعلوک تحفه الملوک شرحده
و قهستانی د لرا یتشدر . خصوص بو وقتلرده نسبنی
بی هشمه ایصال ایدن حید قتی نادر بولور بودمورتده
سادات کرامه و یرمک مأس یوقدر بلکه و یرمکی
صورتده اکثر فقراتک حتی دوع اولمیبوب مشقته
دوجار اوله حققری ظاهر در .

(فقیر دمنده اولار الاحبی رکاته طوتمک صورتی)
و دخی معلوم اوله که رکیمه رب فقیر دمنده اولان
شوقدر ایقه الاجعی ماسن رکاتد طوتمق مراد
ایتد که صورتی بودر که رب فقیره مالک زکاتندن
اولقدر ایقه و یروب اول فقیر قض ایتد کدن صکره
بورچی ایچون کیرو و یرمکدر بوخسه بویه ایتیوب

ذمتکده اولان شو قدر اچمه زکاتم ایچون سکا و یردم
دیوب اول فقیرمدیون دخی قبول ایتدم دیمکله مالنک
زکاتی ادا ایتمش اولماز .

﴿ زکات و یرمده مستحب اولان ﴾

ودخی زکات و یرمده مستحب اولان و یردیک فقیه ک حاله
کوره و یردیک کون قوت اوله جق قدر شی و یرمکر
و بر کونلک قوت اوله جق قدر شیئی اولان کیمسه عرض
حاجت ایدوب دینلمسی حرامدر و حوایج اصلیه سندن
ماعداد قدر نصابه مالک اولان کسه زکات و سائر صدقه
آلمسی حلال اولماز و دخی معلوم اوله که حیوانات
سوائک زکاتی اصحابنه تفویض اولنمیوب شرنا امام
المسلین طرفندن اخذ اولندیغندن اشبو رساله ده ایضاح
اولنمغه حاجت مس ایتمه مکله انجق اموال باطنه نک زکاتی
بیان ایله اکتفا اولندی اراضی عشریه و خراجیه نک
احکامی دخی بوکا بناء ترک اولندی .

﴿ باب الصوم ﴾

معام اوله که صوم یعنی اوروج دیمک هر بر مسلم عاقل ایله
حیض و نفاسدن پاک اولان مسلمة عاقله نک عبادت
قصد یله فجر صادقدن شمس غروب ایدنجیه دک قصدا
یمکدن و ایچمکدن و اختیار و مباشرتیه حقیقه

و یا حکما قضای شہوت ایلدن کنندیسی حفظ ایتسیدر
ایمدی رمضان شریفک اوروجی هر مسلم مکلف اوزرینه
فرض عین اولدیغی آیت کریمه وحديث شریف واجاع
امتله تواتر انا بندر اینانیمان کافر اولور و مکلف اولان
مسلم عذر سز علما رمضان شریفده کوندوز قصدا یوب
ایچسه قتلی لازم اولور .

﴿ ثبوت هلال ﴾

ایمدی شعبان معظمک یز می طقوزنده هلال رمضان
التماس ورؤیتچون دقت اولتمی لازمدر اکر هواده
رؤیتیه مانع یوغیسه هلالک ثبوتی خبر لریله ظن غالب
حاصل اوله حق قدر کسنه لریک رؤیت و اخبار لرینه
محتاجدر و بوصورتده خارج بلده دن کلوب بارکان
مرتفعده اولان عدل کسنه نک خبری دخی قبول
اولندیغی روایت اولتمشدر راکر هواده بولوط
یادمان کبی رؤیتیه مانع وار ایسه ایکی یابر عدل
کسنه نک کوردیکی کیفیت اوزره خبر لریله ثابت اولور
ایمدی ایکی عدل کسنه لریک خبر لریله ثابت اولدیغی
تقدیرجه اوتوز کون نکیلیله فطر یعنی بیرام ایتمک
خلال اولور اما بر عدلک خبر لریله ثابت اولدیغی
تقدیرجه اوتوز کون اوروج طوتلدقدنصکره هلال
فطر کورلد کجه فطر خلال اولماز مکر هواده رؤیتیه

باشلا یوب ووالی التی کون اوروج طوتقد نص سکره
 رمضان شریف کیروب رمضان شریفدن درت کون
 دخی اوروج طوتسه اول درت کونی رمضان شریفدن
 صایلوب کفارتی یکیدن باشلا یوب طوتقی لازم اولور
 وواتمش کون اراسنده خسته اولغله اوروج
 طوته مزسه ینه بویه در اما کفارت صومه شروع
 ایدن خاتون برقاح کون مرورنده حیض کورمکله
 حیض کونلرند طوتسه ضرر ایتمز لکن حیضندن
 باک اولدوقده عذر حیض ایله طوته دیغی کونلرک
 اراسنی آرمیه رق قضایه شروع وتمام ایتمک لازم اولور
 اراسنی آیرسه یکیدن باشلامق لازم اولور ودخی
 التمش کون اوروج طوتغده قدرتی یوغیسه التمش
 فقیره هر برینه بشیوز یکرمی درهم بغدادی یا بک قرق
 درهم اربه یا خود ایچ سنی ویرر یا خود صباح و اخشام
 اطعام ایدر و بر فقیره التمش کون ویرسده اولور اما
 التمش کونلکنی بر کونده بر فقیره ویرسه انجق بر کونلک
 ویرمش اولور و الحاصل بر فقیره بر کونده هر قاج
 کونلکنی ویرسه بر کونلکدن زیاده یرته کچمز ودخی
 بو ذکر اولنان کفارت رمضان شریفه عدم رعایت
 وهتک حرمت ایدوب ایچنده اداسی فرض اولان
 اوروجی افساد ایتمکله مخصوص صدر ماعدا وقتده

طوبیلان اور جلدن هر قنغینی افساد ایلسه انجق
قضاسی لازم اولور ودخی خارجدن صوصام قدر
نسنه یی یمکله قضا و کفارت لازم اولور اما دیشنک
اراسنده قالوب نخود قدر اولان شیئی یوتسه انجق قضا
لازم اولور نخود قدر اولمسه ضرر ایتمز مکر خارجه
چبقاروب صکره یرسه او صورتده ینه انجق قضا لازم
اولور .

﴿ یالکز قضا ایجاب ایدن شیلر ﴾

ودخی مضمضه ایدر کن یوغازندن صوقاچه یا تحملندن
خارج زورله یوزدیرسدلر یا احتقان ایسه یابورنه بردوا
چکوب بورنشک کیکنه واصل اولسه یا قولاننه یاغ
اقتسه یا جوفنه بالغ اولان یاره سنه علاج ایسه یا طاش
و یا تیمور یوتسه یا کندی صنهله اغز طلوسی قوصه
یا صنعی اولمه رق قوصدقدنصکره اوروجی بوزلدی
ظنیله یسه و ایچسه و یا خود او پمک و باهوت محللرینک
غیر به مباشرت و یا شمیق و یا خود استمناطر یقیله انزال
اولسه یا خود امساک و قندنصکره کیجه ظنیله یسوب
ایچسه یا خود غروب اولماش ایکن غروب ظنیله افطار
ایسه یا خود اوروجنی اونودوب یدکدنصکره خاطرینه
کلدکده اوروج بوزلدی ظنیله قصدا یسه بونلرک هپسندن

انجق قضا لازم اولور ودخی اوروجنی اونودوب یسه
 وایچسه یاوویوب اختلام اولسه یاشهوتله باقله اترال
 اولسه یا حلیله سنی او پسه یا خود قی غلبه ایدوب صنعی
 اولیه رقی قوصسه یا جنوب اوله رقی صباحه قالسه
 یا بوغازینه توز یاسنک قاجسه یا طعام بشور مکه توتون
 کیتسه بونلردن بریسی اوروجه ضرر ایتز ودحانی
 جذب ایتمه رک عود باعبر ایله عادت اوزره توتسولنک
 دخی بویله در .

﴿ توتون ایچمه کاه قضا و کفارت لازم اولمق ﴾
 اما ناسک مبتلی اولدقلری توتونی ایچن کیمسه چکمه سیله
 اجرای دخانی بوغازندن انخال وجوفسه ایصال
 اتیدیکندن ماعدا الفت ایدنلرک قولنه کوره دوا
 و تأثیری اولدیغیدن اوروجی افساد ایدوب قضا
 و کفارت لازم اولدیغنی حاشیه دررده عبدالحلم تصریح
 ایتشدر .

ودخی ملاعذر برتی طامق و چینک مکروه در و کندن
 امین اولیان کیمسنگ حلیله سنی او ممسی و صارلمسی و سائر
 ملاعبه سی مکروه در ودخی سورمه چکمه و حجامت
 اولمقده و بیغنه یاغ سورمکده کراهت یوقدر .

﴿ سحور و افطار ﴾

دخی سحور یمک و آخر وقتده یمک مستحبدر و افطارده

عجله ایتمکده مستحبدر اما استنبولده رمضان شریفده
 اخشام اذانی ایام سائرمدن ایکی دقبه اول اوقنور کن
 بعض عجول کیمسه لر ایکی یا اوج دقبه اذاندن اول
 افطار ایتمه لرنده استحباب یوقدر بیکه خطا وارد
 ودخی معلوم اوله که سنی کمال بولوب اختیار اولدوقده
 اورجدن عاجز اولسه رمضان کونلرنده یوب فدییه
 ویرمک جائز اولور .

﴿ فدیة صوم ﴾

فدییه اولدرکه هر بر کون ایچون دیلرسه بغسدایدن
 بشبوز یکرمی درهم دیلرسه خرمادن یاخود آریه دن
 بیک قرق درهم یاخود قیملرنی تصدق ایدر دیلرسه
 جله سنی ابتدای رمضانده ویرر دیلرسه آخرنده ویرر
 لکن فدییه لری ویردکن ده کره اورجلری طومغه
 اقتداری اولور ایسه قضاسی لازم اولور .

﴿ اوروج بوزمخی جائز قیلان شیلر ﴾

دخی تقور اسلامیه دن بر قلعه بی تعمیر و خندقنی تطهیر
 طرف سلطنت علیه دن مأور اولان مسلمین اول
 قلعه بی رمضان کونلرنده اوروج المونه رق تعمیر و تطهیر
 ایتدکلرنده شدت حرارتدن ناشی ضعیف وهلاکری
 ظن غالب لری اولمغله مزبور لر اورجلرنی بوزارق خدمت
 مزبوریه بی کوروب صکره قضا ایتمک مباح اولور ودخی

ایده جک قدر معمر اولمشیکن قضا ایتدن وفات ایتسه
وصیتی و ارایسه ثلث مالندن هر برکونک فدیہ سی ویرملک
لازم اولور وصیتی بوغیسه وارثلرک تبرعا ویرملری
صحیحدر اما طرفندن قضا اولق اوزره اوروج طوتو
ویرملری صحیح دکلدر.

﴿ سنه ده بش کون اوروج طوتقی حرامدر ﴾
دخی سنه ده بش کون اوروج طوتقی حرامدر
(بریسی) رمضان بیرامنک ابتداکی کونی (دردی)
قر بان بیرامنک کونلری لکن بوکونلرده اوروج نذر
ایتسه بشمه کونلرده قضا ایتک لازم اولور بوکونلرک
ماعداسنده نافله، اوروجه نیت ایدوب شروع ایتدکه
عذر سن بوزه ق جائز دکلدر عذرلی یا عذر سن بوزدیغی
تقدیرجه قضاسی لازم اولور انجق نافله اوروجه
مناهیدن خالی اولان سیافته دعوت اولنمقده عذر دراکر
ساحبک خاطری طعامندن تناول ایتدکجه خوش اولمزه

(اعتکاف)

دخی معلوم اهله که رمضان شریفک عشر اخیرنده
اعتکاف سنت مؤکده کفایه دروسائر وقتده مستحبدر
کیچنده و کونلرده اولور نذر ایدرسه واجب اولور
واور وجسن اولماز ویرکوندن اشاغی اولماز بووجهله

بر کچه مك اعتكافنى نذر ايتك صحيح دكلدر اعتكاف ديمك
امام و مؤذن اولوب بش وقت نماز قیلان مسجد و یا جامعه
نیته اکتفا در خاتونلر اعتكافى اولونده نماز قبله قلى
کوشه لونده مکث و عبادت ايله اشتغال ايدرك ايدرلور .

ودخی اعتكاف نذر ايله واجب اولديغى کى شروع ايله
واجب اولديغى بعض کتب معتبره ذکر اولمشدر
بوتقدیرجه رمضانک عشر اخيرنده شروع ایلدیکی
اعتكافى افساد ایتدکه رمضانک غیری سائر ایلردن
برنده اون کون اوروج طوتهرق اعتكافى قضا
ايتك لازم اولور و دخی اعتكافى ایدن کیمسه نك یمه سی
واچمه سی و او یومسی و اقتضا ایدرسه متاع احضار
اولتمهرق بیع و شراء سجده ده اولور انجق ایدست
بوزمق و آبدست المق و اقتضا ایدرسه غسل ایتک ایچون
واعتكاف ایلدیکی مسجده جمعه قیلنرسه جمعه ایچون
چیقوب اقتضاسندن زیاده اکتفا یوب کلمك لازمدر
واعتكافده اولانه جعاع و جعاعه داعی اولان شیلر
حرامدر کچه دخی جعاع یا صنعيله ازال منی واقع اولسه
اعتكاف فاسد اولور واعتكاف اشدیکی و قلى سکوت
ومالا یعنی ايله پکورمک حرامدر همان تلاوت قرآن

وسائر اذکار خیر به ایله مشغول اولوب نظر نده قیض
الهی دن غیری نسنه اولیه .

(فصل الفطره)

حوائج اصلیه سندن ماعدا قدر نصابه مالک اولار حرمسلم
کندی نفسیحون و عنی اولمایان صغیر ولدی ایحون و ملکی
اولوب تجارت نیت ایتدیکی خ تنده اولان کوله و جاریه
سیحون و ام ولد و مدبریحون سده فطره و یرمک زاجدر
زوجه سنک و بالغ اولانیه لیدیک فطره لری قدر تلوی وارده
کندی اوزر لرینه واجب ا. اور و عنی اولان ولد - غیرینک
فطره سی صغیرک مالیه لازم اولور و دخی سده فطره و یرمک و جواب
اداسک وقتی بیرام کونی فجر طلوع ایتدکده درلکس مقدم
و یرلمسی مستحبر بیرا دننه نریمه تأخیر اولنمعله ساط اولماز
بیرام کچه سی طلوع فجر دن مقدم غنی کیسدنک دنی به
بروادی کلسه بابر غنی کافر اسلامه مشرف اولسه
بابر مسلم فقیر ایکن غنی اولسه فطره لری و یرمک
واجب اولور اما بونلر طلوع فجر دن صکره و افسع
اولسه فطره لری و یرمک واجب اولماز . و دخی
فطره بغدادی و دقیندن بشیوز یکریمی درهمدر
وارپه و اوزم و حرمانن یک قرق درهمدر قتلک
اولغله بولر بهالی اولدیغی سنه عینلری و یریلوب

بوللق و او جوزلغی وقتده قیترلی و یرمک افضلدر و دخی
اوزرینه فطره و یرمک واجب اولان کیمسه قربان بیرامنده
بولدبغی محلهده مقیم اولسورسه قربان ایتیمی دخی واجب
اولور ولکن قربان انجق کتدی نفسیچون واجب اولور .

﴿ باب الحج ﴾

معاوم اوله که حجة الاسلام فرض عین اولدیغی آیت کریمه
واحادیث شریفه واجماع امتله ثابت اولوب تواتر ایله نقل
اولنه کلمشدر اینانمیاں کافر اولور و شرعهده حج دیمک نیت
و تلبیه ایتد کدنصکره کعبه مکر مه ده و عرفانده پیغمبر یمز علیه
الصلاة والسلام حضرتلری حجة و داعلرنده تعلیم بیوروب
قرنا بعد قرن مشهور و متواتر اولان مناسکی وقتنده
ایشلکدر حجک فرضلری و واجبلری و سنتلری کتب فقهیه ده
تفضیل اولندیغندن ماعدا مستقلا ترکی و عربی رساله لرده
بیان اولنوب و محلنده ادا اولورکن دلیلر تعریفیه اوله کلمکله
اشبور ساله ده تفصیله حاجت مس التمدیکندن انجق هرکسه
اولدیغی بلده ده حجه متعلق لازم اولان بعض مسائل ایله اکتفا
اولندی ایمدی هر حر مکنک مسلم و موانع بدنیه و خارجیه دن
سالم اولان کسه سکناسندن و سائر کندویه لازم اولان

شیلردن و حج ایدوب عودته دك عیالک نفقه سندن ماعدا
زادورا حله یه و سعتی اولسه عمرنده بر کره حج ایتمی فرض
اولور بالغ اولزدن مقدم یا خود آراد اولدن حج ایتش اولسه
فرض حج ساقط اولمز و دخی اوزرینه حج فرض اولوب مکئه
مکرمه دن مسافه سفر بعید اولان خاتونک زوجی د محرمندن
کیمسه سی اولسه اداء فریضه حج ایچون نفسنی بر عاقل بالغ
کیمسه یه تزویج ایتمی واجب اولور .

(حج یولسه فوت اولسه)

و دخی فریضه حجی ادا ایچون یوله چبقوب یولده فوت
اولان کیمسه اوزرینه حج فرض اولدیغی سنه یی تأخیر
ایتدیسه کدریسیچون حج اولمغی وصیت ایتمی احتساب اولور
مکر تطوعا وصیت ایدیه و اگر اوزبند حج فرض اولدیغی سنه
کتبوت تأخیر ایتش ایسه وصیت ایتمی لازم اولور وصیت
ایتدیکی صورتده (فوت اولدیغی محلدن ثلث مالیدن شوقدر
اچمه ایله طرفدن حج اولنه) دیو وصیت ایتسه وصیتی وجه
اوزره عمل اولور و اگر محملنی و مبلغنی تعیین ایتیه رک
بنم ایچون ثلث مالیدن حج اولنه دیو وصیت ایتسه
ثلث مالی بلده سندن حج ایتدیرلمکه مساعد ایسه
بلده سندن حج ایتدیرلمسی لازم اولور بلده سندن حج

ایتدیرلمکه مساعد اولز ایسه مساعده اولدیغی محلدن حج
ایتدیریلور . ودخی اوزرینه حج فرض اولان کیسه حجه مانع
اوله جق عذر ایله بنفسه حج ایتمکدن عجزی بوغیکن کله جک
سنه او برسنه به دك تأخیر ایدوب ادا ایله مدن وفات ایسه
اتفاقا کنه کار اولور واکر بر عذرله مبتلا اولوب بنفسه حج
ایتمکدن عاجز اولسه حیاتنده طرفندن برینی کندیدن حج
ایتمک ایچون نائب ایدوب واول نائب قیلدیغی کیسه دخی
واروب وجه شرعی اوزره طرفندن حج ایدیور دکنصکره
مبتلی اولدیغی عذر دائم اولغله عجزی موته دك مستمر اولیجق
فرض حج کندیسندن ساقط اولور ودخی اوزرینه حج فرض
اولوب حج ایتیمان کیسه مروض تنده مالندن ثلث مساعد
اولدیغی شوقدر ایچه ایله فوتمدنصکره ورثه مدن اولمیان
فلان کیسه بئم ایچون حج ایتسون دیو وصیت ایدوب
وصیتنده ثابت اوله رق فوت او قدن صکره وصیتی وجه اوزره
ترکدن مبلغ مز بور تماما اول تعیین ایلدیکی کیسه به ویرلمک
لازم اولور .

(بدل حج ایچه سندن باقی قالسه)

ولکن مبلغ مز بوردن حجه واروب کلنجه مصارف

لازمه‌دن هر نه فضله قالور ايسه اول كسنه به طيب
اولمبوب ورته به رد ايتسي لازم اولور مكر ورته بالغلر
اولوب مبلغ من بوري ويردكرنده مصارف لازمه‌دن
فضله يي نفسكه هدايله ديوكيل قيله لر بوسورته فضله يي
كسدي نفسنه هبه ايدوب و نفسچون قبض ايلسه طيب
اولور و اكر وصيتنده ورته مدن فلان ثلث مالمدن
شوقدر اچقه ايله بنم ايجون حج ايتسون ديو وصيت
ايتدبسه سائر ورته بالغلر اولوب اجازت لرينه محتاجدر
اجازت ايتزلر ايسه مبلغ من بوري ميراته ادخال ايدوب
بينلرنده تقسيم ايدرلر و اكر وصيتنده تعيين ايتيوب همان
ثلث مالمدن شوقدر اچقه ايله فوتمدنصكره بنم ايجون
حج اولسون ديو وصيت ايتدبسه افضل اولان اصلندن
حج ايتمش اولمغله افعال جحي لايقي اوزره ادا ايده جكي
مأمول اولوب و ح ايدوب عودت ايده جك كسنه به
حج ايتدير مكدن . و دخی وصيت ابلديكي مبلغ ساكن
اولديغي بلده‌دن حج ايتدير مكه كفایت ايتزسه كفایت
ايتديكي مكاندن حج ايتدير يلور . و دخی اوزر ينه حج
فرض اولمشيكن حج ايتيوب و كندی ايجون حج
ايتدير لمكي وصيت ايتمه‌دن فوت اولدقدن صكره
وارثلرندن بري كندی ماليله اول فوت ارلان كسنه نك

اوزرینه فرض اولان جی ادا ایدیو یرسه جائز اولور .

﴿ باب الجهاد ﴾

شرعه جهاد دیمک دین محمدییه دعوته اجابت و قبول اسلامه کسب سعادتدن یا خود جزیه و یرمکه تنزل ایله ذل و حقارتدن امتناع ایدن اعداء دین ایله مقاتله خصوصاً صنفه مباشرت، یا خود مال و یا حس تدبیر ایله معاونت و یا سائر وجوه خیرایله بذل و ساع و طاقت ایتمکدر معلوم اوله که جهاد حقه نه . نیجه آیت کریمه لور نزول و حدیث شریفلر ورود ایدوب نهایت جهاد هر زمانه و هر مکانه عام و شامل اوله رق اهل اسلام اوزرینه لازم والی یوم القیمه باقی و دائمدر و بوامت محمدییه تک خیرامت اولدقلری اعلاء کلمه الله ایچون جهاد انقلا یله در انکن جهادک فرضیتدن مقصود اولان اعزاز دین و قهر مشرکین اهل اسلامدن بعضلرینک یدیله حاصل اولدنی صورتده باقیلرندن فرض ساقط اولوب فرض کفایه او اور اما اعداء دین حدود اسلامیه دن بر بلده یه هجوم ایتدکده اطرافنده اولان هر مسلم اوزرینه بس وقت نماز کبی فرض عین اولور انلر ایله ده اعداء دینه قارشو کلینه میوب شر و فسادلری دفع اولندمز ایسه دخی اوز اقدده اولانلر اوزرینه فرض عین اولور انلر ایله ده مقابله اولنه مز ایسه تدریججه

تاشرقا وغر با جیبع اهل اسلام اوزرینه فرض عین
 اولور ودخی مسلمین حقننده خیر ومنفعت اولمیه رق
 بر زمان جهاد ترک اولنسه جهاد ایله مکلف اولان کافه
 اهل اسلام کناهکار اولورلوز پرا ضرورتدن زیاده دنیایه
 میل ولذات وشهوات اتباعله جهات وآلات جهاددن
 اعراض اولندیغی صورتده ذل وحقارت درکارودشمن
 دین انتقام ایتمکه سز اوار اولدیغی صحیح ائارده وارد
 اولمشدی (یا ایها الذین آمنوا ان تنصروا الله ینصرکم
 ویثبت اقدامکم) آیت کریمه سنده دخی بو کاتبیه واردر
 یعنی اهل ایمان سزله خطاب عزتمله خطاب ایدرمکه
 اگر سزله الله ذوالجلال دیننی اعلا واطهاره یاردم
 ایدرسکز الله ذوالجلال دخی سزله اعانه وقوت ویروب
 دشمنکز اوزرینه غالب ایدر و محاربه ده ثابت قدم ایدر بوکا
 بناء سلطان الاسلام ایده الله تعالی الی یوم القیامه
 حضرتلری اوزرینه واجب اولدیغی وجه اوزره عامه
 مسلمین حقننده مرحمت وشفقت بیوروب حدود اسلامیه بی
 دائر امدادار تشید و تقویت ودین محمدی بی تأید ایچون
 لیل ونهار بذل همت بیوروب یک ایکوز قرق برسنه سی
 ذی القعاده سنده وتوکللا علی الله ومتوسلا بجاه رسول الله

صلی الله علیه وسلم شرع شریفه مراجعت ایله فتاوی
شریفه منطوقجه ترتیبه موافق اولد قلمی جهاد
وغزایه متعلق امور مهمه وتعلیم حربیه ده عامه مسلمان
اوزرینه واجبدرکه تأمل وتفکر ایدوب سلطان دین
خلدت خلافتیه الی یوم الدین حضرت قلمی انجیق دین
محمدی فوت بولوب وعباد الله راحت ایتمه سیچون
نه مرتبه سعی بلیغ بیوردیغنی اکلا یوب ازدل وجان دایما
دوام عمر ودولت قلمی وازدیاد شان وشو وکتلمی دعا لرنده
اوله رق او امر علیه شاهانه لرینه امثال ایده لر .

ودخی اعداء دیندن صاحب فوت اولانلرک آلات
حربیه قلمی ودرلر درلو صنعتله استعمال قلمی محاربه ده
فائده سی مشاهده اولنوب اکاکوره مقابله یه احتیاج
مس ایتکلر آلات حربیه قلمی تحصیل وحیل و صنعت قلمی
تعلیم اولنوب لدی الحاحه استعمال اولنق جائز
واقتضاسنه کوره لازم اولور نده کیم حضرت رسول
اکرم صلی الله علیه وسلم اهل طائف ایله مجاهده مبارکه
لرنده آلات حربیه دن اوق ایله ظفر یاب اولنوب با امر
رسول الله صلی الله علیه وسلم بلده مزبور محاصره اولندقه
اول وقتده تدارکی قرین توفیق اولان آلات منجیق ایله
بیوک خاشلری بلده محصوره نک دروننه هوادن القا

و بوجله بیون الله تعالی استیلا اولنغی اشارت باهر
البشارت لربله عمل اولنوب عون الهیله امر نصرت تیسیر
وبلده مز بوره قح و تسخیر اولدیغی کتب معتبره ده
تسطیر اولمشدر حالبوکه منجیق آلتنی جناب حلیل
الرحن حضرت ابراهیم علیه السلامه جفا وادی زعیله
نمرود نام کافرک ایقاد ایلدیکی آتشک بر وجهه سمنه
واریله میوب متحیر اولدقلرنده شیطان لعین ظهوره
کلوب تعریفله منجیق انشا واول نبی ذیشانه آلت اذی
قلندیغی کتب تفسیر و سیر ده تحریر اولمشدر الحاصل
غزوه طائفده منجیق آلتنک منافع عظیمه سنی . ملاحظه
ایله بامر رسول الله صلی الله علیه وسلم استعمال اولنمی
الی قیام الساعه دشملرک احداث ایتدکری آلات
حریدی استحصال و محاربه هکامنده استعمالک شرعا
جوازینه و حسب الاقتضا لزومنه دلیل قویم اولدیغی
پسندیده ارباب عقل سلیمدر نه کیم باروت و طوب و خبره
وبونک امشالی آلات حربیه ابتداء ملت اجنبیهده ظهور
ایدوب صکره اهل اسلام دخی تعلم واستعمالی ایتدکجه
اعداء دینه مقابله اولنه مدیغندن شرعا تعلی واستعمال
لازم اولمشدر وبونلرک کلیسندن مقصود قهر اعدادر
بوخسه انلره تشبه اصلا حیال و حاطره کلز .

﴿ امر انك امرینه اطاعت ﴾

ودخی سنت لازمه حضرت محمدیه واعظم مصلحت
جهادیه در که سلطان المسلمین دام منصورا الی یوم الدین
حضرت لری بر محله آز واکر چوق عساکر اسلام ارسال
پیور مه اراده سینه لرنده ایملرندن امیر اولمه لایق
وامور حربیه بی تدبیرده جمله سنه فائق بر ذات حمید
الصفاتی امر تعین پیورد قلرنده آحاد عساکر اوزرینه
واجبدر که اول امیره هر وجهله اعتماد و حرب
خصوصنده هر نسه ایله امریه انقیاد ایدهلر کرک امر
ایلدیکی نسنه نك منفعتنی اکلاسونلر و کرک اکلایه ماسونلر
زیرا آحاد عساکر هر بر ماده نك حقیقتنی بسله من
وبلدیر مک دخی امیرک رأی صوابنه موافق ایتمز
والحاصل نمرعا منکر و قطعاً ضرر ایله امر ایتمدیکسه
اطاعتی جمله نك اوزرینه لازمدر نته کیم پیغمبریمز
علیه السلام پیور مشدر که (علیکم بالسمع والطاعة
لکل من یؤمر علیکم مالم یؤمرکم بالمسکر و فی المذکر
لاسمع ولا طاعة) یعنی اوزریکزه امیره قلان کسنهلرک
امر لرینی قبول و اطاعتکز لازمدر مادامکه منکر ایله
امر ایتمه اما منکر ایله امر ایدرسه انده قبول و اطاعت
اولماز ایمدی امیر طرفندن هر ترتیبک رئیس لرینه هر

محمده ثباتلر ايه امر اولور سه معيتمده اولان نفراتيله
 مامور اولد قلري محلدن ايرملري جائ اولماز واميره
 لايق اولان ابتداء امرده رئيسلرده يا آحاد عسکرده
 امرينه مخالفت ايدن اولور سه عفو ايدوب بوند نصكره
 هر قنغكر امريمه مخالفت ايدر سه لايق اوزره جزاسني
 ترتيب ايده رم ديو تهديد ايله اند نصكره مخالفت ايدن
 اولور سه ترتيب جزا ايله زيرا اكر ناسك صلاحی
 بو وجهله در خلاصه رأی وتد بيرده اتساق اولنماق
 حسييله بينلر نده نزاع و منافرت اوليه كه بري برينك
 سوزينه مخالفت سبيله دشمن دن خوف اولنوب معاذ الله
 تعالى انهم از اوليه و دخی عساكر اسلام نصرت انجام
 بينلر نده اتساق تام اوله رق اون ايكي يك عدد ده بالغ
 اولدقده دشمن قرق قات دخی زياده اولسه مردانه قارشو
 لشمق لازمدر بر كيمسه نك ارقه سين چو بروب قاچسي
 كناه كبا ثر دندر اما بو مقدار اولدقلى تندرجه يوز عدد
 مجاهد صابر اولسه ايدو ز عدد دشمنه ويك عدد عزاء
 مسلمين ايكي يك اعدادى دينه باذن الله تعالى غالب و جواب
 رب العزت ك امدادى كنديلرينه مصاحب اولديغى آيت
 كريمه ايله ثابتدر لكن فقهای عظامدن روايت او لدی كه
 شو صورتلر اهل اسلامك سلاحلى بولنوب قارشو

قومه صلاحیتاری اولغله اولور اما سلا حلی اولدیغی
صورته نه وجهله قارشو قونیلور ودخی عساکرا سلام
نصرت انجاس بر محله صفلک قیام و متانت واستحکام
اوزره قتال ایدر کن دشمنک ابتداء امرده بوزلدیغی
کوردکارنده غیبت سوداسیله صفلک بوزمیلور صکره
معاذالله تعالی بوزیلوب بریشا نلغه سبب اولدیغی کتب
سپرده مذکوردر .

﴿ فضائل جهاد ﴾

ودخی معلوم اوله که سیر کبیره پیغمبریز علیه الصلات
والسلام حضرتلرندن روایت اولندی بیورمشکه (لمقام
ساعة فی سبیل الله افضل بن احباء لئله القدر عند الحجر
الاسود) یعنی بر ساعت فی سبیل الله دسمن قارشوسنده
طور مق کعبه مکرمه ده حجر الاسود حضورنده بیک
آیدن خیرلو اولان لبلاء قدری احبا ایتدن افضلدر
وته سیر کرده روایت ایدر پیغمبریز علیه السلام
حضرتلری بیورمشکه (الا انکم بلیله هی افضل
من لئله انقدر حارس بحرس فی سبیل الله فی ارض خوف
لعله لا یؤوب الی اهله اور حله) یعنی سزه بر کجه بی خبر
وبره بیهی که لبلاء قدردن افضلدر بر محافظ که قور قولو
برده فی سبیل الله بر بلده بی یا خود عسکری حفظ و حراست

کتاب
تاریخ
عسکری
جلد اول
صفحه ۸۹
موضوع
جهاد
کتاب
تاریخ
عسکری
جلد اول
صفحه ۸۹
موضوع
جهاد

ابدوب وشهيد اولقى اميد ايده ايسته انك كچه سى ليله
قدر دن افضلدر يو حديث شريفده محاربه يرده عسكر
غزاقى قراغول طريقيله حفظ و حراسته تر غيب عظيم
واردركه انك كچه سى بىك آيدن افضل اولان ليله
قدر دن افضل قلنشدر وجهى بو دركه اول محافظ
سائر مسلمان دن خوفى دفعه سعى ايدر اما ليله قدرى
احيا ايدن ايجق نفسى تخلصه سعى ايدر وينه سير كبرده
روايت ايدر يعمبريمز صلى الله عليه وسلم حضر تلى
بيورمشكه (لرباط يوم خير من صيام شهر و قيامه و من
مات وهو مرابط اجير من قسمة القبر و نماله عمله كاحسن
ما كان يعمل الى يوم القيمة) يعنى بركون سر حد عدد وده
محافظ اولقى بر آى صيام و قيا مدن البته افضلدر واول
كىسه كه محافظ اولديغى حالده فوت اوله عذاب قبر دن
حفظ او او ب واول كيه نك عمل خيرى احسن و جوهله
عمل او انمش كى نشو و نما بو او ب الى يوم القيام دفتى
حسانته يازيلور وينه سير كبرده روايت ايدر يعمبريمز
عليه الصلاة والسلام حضر تلى بيورمشكه (ما من احد
يموت وله عند الله خير فيتمنى الرجعة الى الدنيا وله
الدنيا بما فيها الا الشهيد فانه يتمنى الرجوع ليستشهد
ثانيا من اعظم ما ينال من الدرجة) يعنى هيم بر كسه

Handwritten notes in Persian script, likely bleed-through from the reverse side of the page.

اولدقدنمکره عند الله خير وثوابی وار ایکن بتون دنیا
ایچنده اولان متاعيله کندينك اولمق اوزره کيرو دنیايه
کلیدم دیو تمنی ایتمز انجق شهید نائل او لدیغی درجات
عظیمه دنناشی بر دخی شهید اولمق ایچون کيرو دنیايه
کلیدم دیو تمنی ایدر وینه سیر کبیرده ابو بکر صدیق
رضی الله عنهن مرویدرکه دیدیلرکه رسول الله صلی الله
علیه وسلم حضرتلرندن ایشدم که بیوررلر (من اغبرت
قدما فی سبیل الله وجبت له الجنة) یعنی اول کیمسه که فی سبیل الله
بیور یوب وایاقلری توز اوله انک ایچون جنت واجب اولور

﴿ امور مهمه ده دعا ﴾

ودخی معلوم اوله که عبدالله بن ابی اوفی رضی الله تعالی
عنهمادن مرویدرکه پیغمبریمز علیه الصلاة والسلام
حضرتلری اعداء دین ایله میدان حربده ملاقات
ایتدکلرلرنده قتانن مقدم بودعایی اجابت استدعا ایله
تضرع ومناجات ایدرلر ایدی (اللهم انا عبادك وهم
عبادك نواصینا ونواصیهم بیدك اللهم اهزمهم وانصرنا
علیهم) ترجمه سی بودرکه یارب بزلر سنك قوللریکز
ودشمنلر دخی قوللرکدر بزلر وانلر تحت قدرت ربانیه کده
وملك وتصرفات الهیه کده یارب بزلر حق اوزره انلر
باطل اوزره اولما من ایله انلری مهزوم ومکسور بزلری انلر

اوزرينه غالب ومنصور ايله ايمدى جباب رسالته اقتدا
ايدوب هر امور مهمه ده دعا وتضرع اينك كر كدر
زبرا مؤمن خلوصانه دعاسى ايله مظهر نصرت ونائل
خير وبركت اولدبغى حقنده آمار كثيره واردر وانبيا
عظام حضراتك سير حسنه لويدير لكن اول باول تحصيل
عقايد اسلام و تطهير لباس وجامه وفرائض اعمالى
التزام ايله اركان دين اكل اولمغه اهتمام لازمدر والله
المستعان وعليه التلّان *

سبحان ربك رب العزة ۞ يصفون وسلام على المرسلين
۞ الحمد لله رب العالم

الفه الفقير الى الطاف ربه القدير عبده المدعويين
مدرسى دار الخلافة السنية لازالت هى وقطنها .
بالمواهب الرمانية بمحمد اسعد جعل الله
تعالى فى الدارين اسعد رجاء اسعد
من الناصحين وطمحا لمغفرة سيئاته
يوم الدين يوم لا يفع مال
ولا يبرن الا من اتى الله

بعلب سالم
ولا حول ولا قوة الا بالله العلى العظيم

— فهرست المطالب —

| | | | |
|----|---------------------------|----|------------------------|
| ۳ | مطلب ایمان | ۲۰ | نمازك وقتلى |
| ۶ | اراده جزیه | » | اوقات مکروهه |
| ۷ | کلمه کفر | ۲۱ | نیت |
| ۸ | نمازی انکار | ۲۲ | تکبیره التحریمة |
| ۹ | حکمدہ اولانلره نماز | » | اذان واقامت |
| ۹ | ایله امر ایتمک | ۲۳ | نمازك رکلىرى |
| ۹ | نمازك فرضلىرى | ۲۴ | قرائت |
| ۱۰ | حاجدین طهارت | ۲۵ | حجر و اخفا |
| » | غسلک فرضلىرى | ۲۶ | رکوع |
| ۱۱ | موجب غسل | » | سجود |
| » | ایستک فرضلىرى | ۲۸ | رکوع و سجوددن |
| ۱۲ | آبدستی بوزانلر | » | عاجر اواسه |
| » | مست اورریه مسح | ۲۹ | قعدہ اولی و اخیره |
| » | مدت سه | ۳۰ | نمازك آداب |
| ۱۳ | صاحب عذر | » | نمازدن اختیار یله حقیق |
| ۱۴ | صارغی اورریه مسح | ۳۱ | نمازك رکىلىرى ترتیبی |
| ۱۵ | تیمم | » | اوزره ادا اولمق |
| ۱۶ | نجاستدن طهارت | ۳۳ | سجده سهو |
| ۱۷ | ستر عورت | » | نمازده قاح رکعت |
| ۱۸ | استقبال قبله | » | قیلایغنی یله مسه |
| ۱۹ | نمازده او کسه ستره دیکیمک | ۳۴ | مستحب و مندوب و آداب |

| | | | |
|----|--------------------------------------|----|----------------------------------|
| ۴۳ | صوكت سنت قلنه جق محل | ۳۴ | نمازی افساد ایدن شیلر |
| ۴۴ | نماز دنصکره امام جاعته یونلک | ۳۴ | مقیم و مسافر حقنده نمازک رکعتلری |
| ۴۴ | استفسار و آیه الکرسی و تسبیحات و دعا | ۳۵ | بش وقتک سنتلری |
| ۴۴ | باب جمعه | ۳۵ | صلات وتر |
| ۴۵ | جمعه نك صحتك | ۳۷ | قنوت دعا سنی سهو ایتسه |
| | شرطلری | ۳۸ | صلات التراویح |
| ۴۶ | جمعه نك قرضیتك | ۳۸ | احکام جاعت |
| | شرطلری | ۳۹ | امام علم و قرآنده کامل اولق |
| ۴۸ | جمعه دنصکره قیلنان نماز لر | ۳۹ | هؤذن جهر آنکبیر السه |
| ۴۹ | باب اعبیدن | ۴۰ | فرضه یاسنته باشلا دقن |
| ۵۱ | یرام نمازنده امام تکبیر اونوتسه | | صکره اقامت اولنسه |
| ۵۲ | یرام نمازینه سکر دن اقتدا ایتسه | ۴۱ | امامه افتتاح تکبیرینه |
| ۵۳ | قربان یرا منده یکر می | | اریشه مسه |
| | اوچ وقت تکبیر | ۴۱ | امامه اریشه مسه رکعتلری قضا |
| ۵۳ | باب الجنازه | ۴۲ | رکنلرده امامه متابعت |
| ۵۵ | تکفین جنازه | ۴۳ | امام بش شیئی ایشلیسه |
| ۵۶ | صلاة جنازه | | جاعت دخی ایشلر |
| ۵۸ | جنازه کوتورمه ده سنت | ۴۳ | درت شیئی امام ایشلر سه |
| | | | جاعت ایشلر |

۷۴ اوروج قضا سنک

لزو می

۷۵ قضاسی لازم اولمش

ایکن وفات ایسه

۷۶ سنه ده بش کون

اورج طوتمق حرامدر

۷۷ اعتکاف

۷۸ فصل الفطر

۷۸ اوزرینه فطر واجب

اولان قربان دخی

واجب اولور

۷۹ باب الحج

۸۰ حج بولده وفات ایسه

۸۱ بدل حج ایجه سندن

فضله قالسه

۸۳ باب الجهاد

۸۷ امر انک امر لوبنه

اطاعت

۸۹ فضائل جهاد

۹۱ اور مهمه ده دعا

اولنق

۵۹ دفن جنازه

۶۰ قبرده سؤال وتلقین

۶۰ باب الشید

۶۱ باب الزکات

۶۵ سادات کرمه زکات

۶۵ فقیر ذمتده اولان لاجفی

زکاته طوتمق صورتی

۶۶ زکات ویرمه ده مستحب

اولان

۶۶ باب الصوم

۶۷ ثبوت هلال

۶۹ رمضان و سائر اوجلرک

نیتی

۶۹ کفارت صوم

۷۱ یالکز قضا ایجاب ایدن شیلر

۷۲ توتون ایچمکله قضا

وکفارت لازم اولق

۷۲ سحور و افطار

۷۳ فدیة صوم

۷۳ اوروج بوزمقی جائز

قیلان شیلر

